






1061



晦庵先生朱文公文集
三





晦庵先生朱文公文集卷第一

詞

虞帝廟迎送神樂歌詞

桂林郡虞帝廟迎送神樂歌者新安朱熹之所作也熹既
爲太守張侯弼紀其新宮之績又作此歌以遺桂人使聲
于廟庭侑牲璧焉其詞曰皇胡爲兮山之幽翳長薄兮俯
清流渺冀州兮何有眷茲土兮淹留皇之仁兮如在予我
民兮不窮以愛沛皇澤兮橫流暢威靈兮無外絜尊兮肥
俎九歌兮招舞嗟莫報兮皇之祐皇欲下兮儼相羊烈風
雷兮暮雨

右迎神三章二章四句一章五句

虞之陽兮離之滌皇降集兮巫屢舞桂酒湛兮瑤觴皇之

歸兮何許龍駕兮天門羽旄兮續紛俯故宮兮一覽越宇
宙兮無隣無隣兮奈何七政協兮羣生嘉信玄功兮不宰
猶彷彿兮山阿

右送神三章章四句

賦

白鹿洞賦

白鹿洞賦者洞主晦翁之所作也翁既復作書院洞中又
賦其事以示學者其詞曰

承后皇之嘉惠宅廬阜之南置閔原田之告病惕農扈之
非良粵冬孟之既望夙余駕乎山之塘徑北原以東驚陸
李氏之崇岡地名李揆厥號之所繇得頽址於榛荒曰昔
山人之隱處至今永久而流芳陳舜俞廬山記云唐李渤
字謙之與况涉借隱白鹿

洞後為江州刺史乃即洞創臺榭
環以流水雜植花木為一特之勝自昇元之有土始變塾

而為庠儼衣冠與弦誦紛濟濟而洋洋廬山記又云南唐
昇元中因洞建學

叔季而且然矧休明之景運皇穆穆以當天一軌文而來
混念敦篤於化原乃搜剔乎遺蘊盼黃卷以置郵廣青衿

之疑問樂菁莪之長育披雋髦而登進謹按國朝會要太
平興國二年知江

照於咸平又增修而罔倦廬山記又云咸平五年敕
重脩又聖宣聖十哲之象旋錫

冕以華其歸琛亦肯堂而詒孫郭祥正書院記云祥符初
孫冕以疾辭于朝

來者亦給其食張茂草於熙寧尚茲今其奚論廬山記熙
茂草矣夫既啓余以堂壇友又訂余以冊書

處客揚方子直遂贊興作之謀既謂此前脩之逸迹復開而劉清之子登亦襄集故實來寄謂此

我聖之宏撫亦既震于余衷乃謀度而咨諏尹悉心以綱

紀吏竭蹶而奔趨士釋經而敦事工殫巧而獻圖曾日月

之幾何屹屢屋之渠渠事具呂祖謙伯山葱瓏而逸舍水

汨瀟而循除諒昔人之樂此羗異世而同符偉章甫之我

我抱遺經而來集豈顧眺聽之為娛實觀宮墻之可入愧

余脩之不敏何子望之能給矧道體之亡窮又豈一言而

可緝請姑誦其昔聞庶有開於時習曰明誠其兩進抑敬

義其偕立允莘摯之所懷謹巷頽之攸執彼青紫之勢榮

亦何心乎俛拾亂曰澗水觸石鏘鳴琴兮山木萃尊枝相

樛兮彼藏以脩息且游兮德隆業茂聖澤流兮往者弗及

余心憂兮來者有繼我將焉求兮

王邦亮寫

感春賦

觸世塗之幽險兮攬余轡其安之慨理輪而繫馬兮指故

山以爲期仰皇鑒之昭明兮眷余衷其猶未替抑重巽於

既申兮徇耕野之初志自余之既還歸兮畢藏英而發春

潛林廬以靜處兮開蓬戶其無人披塵編以三復兮悟往

哲之明訓塔掩卷以忘言兮納遐情於方寸朝吾疑履而

歌商兮夕又賡之以清琴夫何千載之遙遙兮乃獨有會

於余心忽嚶鳴其悅豫兮仰庭柯之葱蒨悼芳月之既徂

兮思美人而不見彼美人之脩嫻兮趨獨處乎明光結丹

霞以爲綬兮佩明月而為璫悵佳辰之不可再兮懷德音

之不可忘樂吾之樂兮誠不可以終極憂子之憂兮孰知

吾心之永傷

卷之六

卷之六

三

陸馬

空同賦

何孟秋之玄夜兮心膠戾而弗怡偃子軀之既寧兮神杳
杳兮寒閨雲屋掩而弗高兮壁帶耿而夜光宕予魄而不
得視兮悵竚立其怔營靈脩顧予而一笑兮權並坐之從
容寐將分而不忍兮旦欲往而焉從眷予衷之廓落兮奄
愁結而增忡超吾升彼崑崙兮路脩遠而焉窮忽憑危以
臨睨兮蕤廣寒與閬平風信真際之明融兮又何必懷此
夢也矢予詞以自寫兮蓋將反予旃乎空同

琴操

招隱操

淮南小山作招隱極道山中窮苦之狀以風切
遁世之士使無遐心其旨深矣其後左太冲陸

士衡相繼有作雖極清麗顧乃自為隱遁之辭
遂與本題不合故王康琚作詩以反之雖正左
陸之誤而所述乃老氏之言又非小山本意也
十月十六夜許進之挾琴過予書堂夜久月明
風露凄冷揮絃度曲聲甚悲壯既乃更為招隱
之操而曰穀城老人嘗欲為予依永作辭而未
就也予感其言因為推本小山遺意戲作一闕
又為一闕以反之口授進之併請穀城七者及
諸名勝相與共賦之以備山中異時故事云七

疑當作
老人

南山之幽桂樹之稠枝相樛高拂千崖素秋下臨深谷之
寒流王孫何處攀援久淹留 聞說山中虎豹畫隼聞說

山中熊羆夜咆叢薄深林鹿呦呦獼猴與君居山鬼伴君
遊君獨胡爲自聊歲云莫矣將焉求思君不見我心徒離
憂

右招隱

南山之中桂樹秋風雲冥濛下有寒栖老翁木食澗飲迷
春冬此間此樂優游渺何窮我愛陽林春葩晝紅我愛
陰崖寒泉夜涼竹栢含煙悄青葱徐行發清商安坐撫枯
桐不問簞瓢屢空但抱明月甘長終人間雖樂此心與誰
同

右反招隱

詩

遠游篇

舉坐且停酒聽我歌遠游遠游何所至咫尺視九州九州
何茫茫環海以爲壘上有孤鳳翔下有神駒驥孰能不憚
遠爲我游其方爲子奉尊酒擊鉢歌慨慷送子臨大路寒
日爲無光悲風來遠壑執手空徬徨問子何所之行矣戒
關梁世路百險艱出門始憂傷東征憂賜谷西遊畏羊腸
南轅犯癘毒北駕風裂裳賴子馳堅車躡險摧其剛我我
既不支瑣瑣誰能當朝登南極道暮宿臨太行睥睨即萬
里超忽凌八荒無爲覽覽者終日守空堂

擬古八首

離離原上樹戢戢澗中蒲娟娟東家子鬱鬱方幽居濯濯
明月姿靡靡朝華敷昔爲春蘭芳今爲秋薜蘿寸心未銷
歇託體思同車

綺閣百餘尺朝霞冠其端飛欄麗遠漢曲楹何盤桓清謠
發徽音一唱再三歎借問誰爲此佳人本邯鄲微響激流
風浮雲慘將寒爲言何所悲遊子在河關不恨久離闈但
憂芳歲闌願爲清霄臺燕昵窮餘歡

上山採薇蔽側徑多幽蘭采之不盈握欲寄道里艱沈憂
念故人長夜何漫漫芳馨坐銷歇徘徊以悲嘆

佳人朗秋夜蟋蟀鳴空堂大火西北流河漢未渠央野草
不復滋白露結爲霜梁燕起高飛雲鴈亦南翔念我同心
子音形阻一方不念執手歡隔我如參商寓龍不爲澤畫
餅難充賜金石徒自堅虛名真可傷

鬱鬱澗底樹揚英秋草前與君結歡愛自比金石堅金石
終不渝懽愛終不踈一夕遠離別悠悠在中途相思未云

變音容定何如傷彼三春準灼灼層華敷盛時不可留恐
逐嚴霜枯夫君來何晚賤妾長離居

高樓一何高俯瞰窮山河秋風一夕至憔悴已復多寒暑
遞推遷歲月如頽波離騷感遲暮惜昔閑蹉跎故意極驩
虞咄此可奈何邯鄲多名姬素豔凌朝華妖歌掩齊右緩
舞傾陽阿徘徊起梁塵綵綵紛衣羅麗服秉竒芬顧我長
咨嗟願生喬木陰宙綠若絲蘿

夫君滄海至贈我一篋珠誰言君行近南北萬里餘結作
同心花綴在紅羅襦雙垂合歡帶麗服眷微軀爲君一起
舞君情定何如

衆星何歷歷嚴霄麗中天殷憂在之子起步荒庭前出門
今幾時書札何由宣沉吟不能釋愁結當誰隣臨風一長

嘆淚落如奔泉

題謝少卿藥園二首

此詩至卷終先生手編謂之救齋淨藥

謝公種藥地窈窕青山阿青山固不群花藥亦婆娑一撥
召冲氣三撥散沈疴先生澹無事端居味天和老木百年
姿對立方嗟哦持此供日夕不樂復如何

小儒忝師訓迷謬失其方為在瘖病望道空茫茫頗聞

東山園芝木緣高岡瘖矐百不治效在一探囊再拜藥園

翁何以起膏肓

一作醒一本

邵武道中

同前詩起辛未

風色戒寒候歲事已遠遲勞生尚行役遊子能不悲林壑
無餘秀野草不復滋禾黍經秋成收斂已空畦田翁喜歲
豐婦子亦嘻嘻而我獨何成悠悠長路岐凌霧即曉裴落

日命晚炊不惜容鬢凋鎮日長空飢征鴻在雲天浮萍在
青池微蹤政如此三嘆復何為

友人黃子衡欲之上庠以詩留行

若士有奇操久厭山林卑奮衣千里道已與親友辭子行
何悠悠世路方如茲歸來亦何日車馬光陸離幽蘭生前
林擢置白玉墀不以芳意遠結根終不移頽子崇明德潛
躍貴因時悲風靜夜聽喬木歲寒姿何以迴軒駕千載相
與期

奉酬丘子野表兄飲酒之句

微褐不充體寒夜懷重衾古來窮廬士歲暮多苦心苦心
亦何為世路多崎嶇不藉盃中物離憂坐自侵舉杯當勿
辭何為復沉吟醺酣遺所拘神慮弊遐襟荒酒思前戒歡

謠發清音雅唱一何高仰酬非所任申章聊叙報洪量亦
余欽

丘子野表兄郊園五詠

欲識淵明家離離疎柳下中有白雲人良非遜世者柳

結接遂芳植覆牆擁深翠還當具春酒與客花下醉茶蘼

移自溪上園種此墻陰路墻陰少人行來歲障幽戶竹

芭蕉植秋檻勿云憔悴姿與君障夏日羽扇寧復持芭蕉

花柳遶宅茂先生在郊居下帷良已苦時作帶經糶蔬圃

古意

免絲附樸檉佳木生高岡弱蔓失所依佳木徒蒼蒼兩美
不同根高下永相望相望無窮期相思諒徒爲同車在夢
想忽覺淚沾衣不恨歲月道但惜芳華安嚴霜萎百草坐

恐及茲時盛年無再至已矣不復疑

送劉旬甫之池陽省覲六十四丈遂如行在所上

計

雨雪成歲暮之子遠徂征酌酒起相送慨我別離情池陽
實大藩佐車屈時英子行一請覲上計趨吳京良玉懷貞
操芳蘭含遠馨臨岐一珍重即此萬里程

晨起對雨二首

凄冽歲云晏雨雪集晨朝高眠適方起四望但蕭條遠氛
白漫漫風至林靄消流潦冒荒塗清川亦迢迢遐瞻思莫
窮端居心自超覽物思無託即事且逍遙

晨起候前障白煙眇林端雨意方未已后土何時乾倚竹
聽蕭瑟俯澗聞驚湍景物豈不佳所嗟歲已闌守道無物

役安時且盤桓翳然陶竑理貧悴非所歎

殘臘

殘臘生春序愁霖逼歲昏小紅敷艷萼衆綠披陳根陰壑
泉方注原田水欲渾農家向東作百事集柴門

客舍聽雨 壬申

沈沈蒼山郭暮景含餘清春靄起林際滿空寒雨生投瘖
即虛館簷響通夕鳴遙想山齋夜蕭蕭木葉聲

宿武夷觀妙堂 壬首

陰靄除已盡山深夜還冷獨卧一齋空不眠思耿耿開來
生道心妄遣慕真境稽首仰高靈塵緣誓當屏
清晨叩高殿緩步逸虛廊齋心啓真秘焚香散十方出門
戀仙境仰首雲峰蒼躊躇野水際頃將塵慮忘

杜日諸人集西岡

郊原暖芳物細雨青春時前岡遐敞地登覽情無遺農畝
懷歲功壺漿祝神釐我慚里居氓十載勞驅馳今朝幸休
閑追逐聊嘻嘻笑語歡成舊盡醉靡歸期

久雨齋居誦經

端居獨無事聊披釋氏書
楚釋塵累牽超然與道俱門掩
竹林幽禽鳴山雨餘了此無爲法身心同晏如

新竹

春雷殷巖際幽草齊發生我種南窓竹戢戢已抽萌坐獲
幽林賞端居無俗情

雨中示魏孳夫兼懷黃子厚 二首

讀書春日晏雨至滿郊園一灑幽叢竹藹藹清陰繁齋居

無還往鎮日空掩門欲將冲靜趣與子俱忘言

暄風變春餘卉木日葱蒨林間一雨來滿庭寒草徧寂寞
謝朋儔晤語懷雋考良無一水遥阻問何由見

夜聞子規

幽林欲雨氣含凄春曉端居園徑迷獨向高齋展衾卧南
山夜夜子規啼

杜門

杜門守貞操養素安冲漢寂寂闕林園心空境無作細雨
被新筠微風動幽籜聊成五字句吟罷山花落浩然與誰
期放情遺所託

宿山寺聞蟬作

林葉經夏暗蟬聲今夕聞已驚為客意更值夕陽曛

晨登雲際閣

晨起踏僧閣徙倚望平郊攢巒夏雲曉蒼茫林影交暫釋
川途念憇此煙雲巢聊欲托僧宇歲晏結蓬茅

池上示同遊者

藕葉蓋波面池花猶未紅聊承晚露餘散步詠涼風香氣
已飄忽客懷誰與同唯應同遊子芳意更匆匆

過黃塘嶺

屈曲危陔轉沉陰山氣昏蟬聲高樹暗石瀨淺流喧已過
黃塘嶺欲覓桃花源無為此留滯驅馬踰山樊

宿白芒畬

早發招賢里夜宿白芒畬川暝前山雨風驚澗樹花途陸
綿異縣曛黑泊田家逢人聊問路猶恨去程賒

濯足澗水二首

濯足澗邊石山空水流喧行旅非吾事寄此一忘言
澗邊濯足時脩途倦煩煥振策欲尋源山空無往躅

自溪口買舟至順昌示同行者

時煥倦長途買舟至西郭烟波方渺然坐此溪上閣子留
且歡宴我去成蕭索同行不同調此意誰與託

宿資營舖

庭陰雙樹合牕夕孤蟬吟盤礴解煩鬱超搖生道心

倒水坑作

窮幽鮮外慕殖志在丘園即此竟無得空恨歲時遷川陸
絲半載煩煥當歸緣憇此蒼山曲洗心聞澗泉

夏日二首

夏景已逾半林陰方澹然鳴蟬咽餘響池荷競華鮮抱痾
守窮廬釋志趣幽禪即此窮日夕寧爲外務牽

雲臻川谷暝雨來林景清齋舍無餘事涼氣散煩纓望山
懷釋侶盥手閱仙經誰懷出塵意來此俱無營

對雨

虛堂一遊矚驟雨滿空至的鑾散方塘冥濛結雲氣勢逐
風威亂望窮山景翳烟霽集林端蒼茫欲無際涼氣襲輕
裾炎氛起秋思對此景凄凄還增冲澹意

齋居聞磬

幽林滴露稀華月流空爽獨士守寒極高齋絕群想此時
隣磬發聲合前山響起對王書文誰知道機長

又聞琴作

瑶琴清露後寥亮發牕間韻逐回風遠情隨玄夜闌端居
獨無寐林扉空掩關起望星河落哀絃方罷彈

讀道書作六首

巖居秉貞操所慕在玄虛清夜眠齋宇終朝觀道書形忘
氣自冲性達理不餘於道雖未庶已超名跡拘至樂在襟
懷山水非所娛寄語狂馳子營營竟馬如

失志墮塵網浩思屬滄洲靈芝不可得歲月逐江流碧草
晚未凋悲風颯已秋仰首鸞鶴期白雲但悠悠

白露墜秋節碧陰生夕涼起步廣庭內仰見天蒼蒼東華
綠髮翁授我不死方願言勤脩學接景三玄鄉

四山起秋雲白日照長道西風何蕭索極目但烟草不學
飛仙術日日成醜老空瞻王子喬吹笙碧天杪

鬱羅聳空上青真風露凄聊乘白玉鸞上與九霄期激烈
玉簫聲天矯餐霞姿一回流星盼千載空相思
王喬吹笙去列子御風還至人絕華念出入有無間千載
但聞名不見冰玉顏長嘯空宇碧何許蓬萊山

秋雨

一雨散林表清陰生廣庭喜茲新秋夜起向高齋行煩歎
獲暫祛涼氛集華纓沉沉遠林氣愜此端居情節物坐如
此撫世襟方盈歸當息華念超逸悟無生

秋夕懷子厚二首

兩歇林氣爽月華甚遙暉齋居翫物變廓落滄洲期焚香
散碧虛撫節陳清詩抗志屬雲端非君諒誰知

涼氣沉齋宇夕陰未暝寒栖屬遙夜長簾卷單床浮雲

蔽中天愁霖隔秋牕思君一晤對耿耿何能忘

病中呈諸友

窮居值秋晦抱疾獨齋居行稀草生徑一雨復旬餘交親各所營曠若音塵踈始悟端居樂復理北牕書讀誦興已闌起坐方躊躇綠樹滿空庭策策涼颯初良時不復停煩杏未云祛還思對君子日夕佇軒車

川上見月歸示同行者

川上偶携手皓月起林端一舒臨流望玄露已先溥歸掩荒園扉更怯裳衣單清夜可晤言獨處誰爲歡

月夜述懷

皓月出林表照此秋牀單幽人起晤歎桂香發窓間高梧滴露鳴散髮天風寒抗志絕塵氛何不棲空山

冬雨不止

忽忽時序改白日藏光輝重陰潤九野小雨紛微微蒼山寒氣深高林霜葉稀田家秋成意落落垂所期曠望獨興懷戚戚愁寒飢事至當復遣且掩荒園扉

贈仰上人

澗谷秋雲曉飄飄無定姿氛氲升遠榭凌亂起寒颼雨罷成孤鶴天高遂散絲上人歸別嶺心迹但如斯

即事偶賦

白煙竟日起雨晦蒼山深老菊不復妍丹楓滿高林抱病寢齋房窓戶結愁陰起望一舒情遐眺豁煩襟人生亦已勞世路方崎嶇且詠招隱作無爲名跡侵

作室爲焚修之所擬步虛辭

歸命仰璇極，寒陽大帝居。脩脩列羽幢，八景騰飛輿。願傾無極光，回駕俯塵區。受我焚香禮，同彼浮黎都。

寄題咸清精舍清暉堂

山川佳麗地，結宇娛朝昏。朝昏有奇變，超忽難具論。千嵐蔽夕陰，百嶂明晨暎。穹林擢遙景，回澗盪秋氛。覽極慚未周，窮深遂忘喧。欲將身世遺，况託玄虛門。境空乘化往，理妙觸目存。珍重忘言子，高唱絕塵紛。

冬日二首

蕭索時序晚，已復度高秋。回澗白波起，通川絳樹稠。晨風散清霜，嘉稻卷平疇。獨懷志士感，歲事幸將休。清霜染澗樹，蕭索向嚴冬。密雨有時集，寒雲無定容。波明橫瀨出，風急遠林空。一極窓間眺，高旻矗亂峰。

春日即事 癸酉

郊園卉木麗，林塘煙水清。閑棲衆累遠，覽物共關情。憇樹鳥啼幽，綠原草舒榮。悟悅心自遣，誰云非達生。

誦經

坐厭塵累積，耽躑味幽玄。靜披笈中素，流味東華篇。朝昏一俯仰，歲月如奔川。世紛未云遣，仗此息諸緣。

春日言懷

春至草木變，郊園猶掩扉。茲晨與心會，覽物徧芳菲。桃李萼破淺紅時，禽悅朝暉。泉谷暖方融，原田水初肥。東作與庶甿，吐歲功始在。茲端居適自慰，世事復有期。終然心所向，農畝當還歸。

晚步

東原鬱已秀嘉樹藹初綠
衆卉發春陽前山可遐矚
端居日康倦涉澗步墟曲
景幽恣所尋悟悅何由足
鳥鳴華薄深泉響亂流續
握手一同忻吾生詎幽獨

倦疑當作健

懷友

山夕烟景亂林空鳥啼幽
懷人隔春江夢想積誰憂
覽物懷悄悄臨觴但悠悠
徘徊東西步悟歎復何求

山館觀海棠作二首

景暄林氣深雨罷寒塘綠
置酒此佳辰尋幽慕前躅
芳樹麗煙華紫絛散清馥
當由懷別恨寂寞向空谷
春草池塘綠忽驚花喚紅
亂英深淺色芳氣有無中
置酒賓朋集被襟賞咏同
若非摹寫得應逐綵雲空

題畫

青鸞凌風翔飛仙窈窕姿
高挹謝塵境妙顏粲瓊粧
登霞抗玉音結霧吹參差
神鈞舞空洞玄露湛霄暉
山中玉斧家胡不一來嬉
貞凡路一分冥運千年期

過武夷作

弄舟緣碧澗棲集靈峯
阿夏木紛已成流泉注
驚波雲闕啓蒼茫
高城鬱嵯峨眷言羽衣子
僂仰日婆娑不學飛仙術
壘壘丘冢多

同安官舍夜作二首

官署夜方寂幽林生月初
閑居秋意遠花香寒露濡
故國異時節欲歸懷簡書
聊從西軒卧塵慮一蕭疎

窓戶納涼氣吏休散朱墨
無事一脩然形神罷拘役
暫愒豈非閑無論心與跡

寄山中舊知七首

結茅雲壑外石澗流清泉澗底采萑蒲顏色永芳鮮起世
慕肥遯鍊形學飛僊未諧物外期已絕區中緣
客子歸來晚江湖欲授衣路岐終寂寞老大足傷悲慷慨
平生志冥茫造物機清秋鷗鷺上萬里看橫飛

晨興香火罷入室披仙經玄默豈非尚素餐空自驚起與
塵事俱是非忽我營此道難坐進要須悟無生

故園今夜半林影澹逾清曳杖南溪路君應獨自行潺湲
流水思蕭索早秋聲盡向琴中寫焉知離恨情

采藥侵晨入亂峯宿雲無處認行蹤歸來應念塵中客寄
與玄芝手自封

淒涼梧葉變芬馥桂花秋日夕湖臯勝哦詩憶舊遊

秋至池閣靜天高林薄疎西園有佳處那得與君俱

述懷

夙尚本林壑灌園無寸資始懷經濟策復愧軒裳姿效官
刀筆間朱墨手所持謂言殫蹇劣詎敢論居卑任小才亦
短抱念一無施幸蒙大夫賢加惠寬箠笞撫已實已優於
道豈所期終當反初服高揖與世辭

釋奠齋居

理事未逾月薄書終日親簡編不及顧几閣積埃塵今辰
屬齋居煩跼一舒伸瞻眺庭宇肅仰首但秋旻茂樹禽轉
幽忽如西澗濱聊參物外趣豈與俗子羣

試院雜詩五首

齋宇夜沉寂淒涼群物秋卧聽簷瀉盡心屬故園幽了事

知何日分曹喜勝流笑談貞暫爾不敢恨淹留
寒燈耿欲滅照此一窓幽坐聽秋簷響淋浪殊未休
窮秋一雨至暫止復蕭蕭曲沼寒流滿空庭涼葉飄聞鐘
懷故宇覽物屬今朝一詠歸來賦頗將形跡超
長廊一遊步愛此方塘淨急雨散遙空圓文蒲幽鏡堦空
綠苔長院僻寒飈勁長轍不逢人超挫得貞性
藝苑門禁肅長廊似僧居偶來一散步暫與塵網疎文字
謝時輩銓衡賴羣儒伊予獨何者偏及心煩紆

巖柱

山中綠玉樹蕭灑向秋深小閣芬微度書帷氣欲侵披懷
清露曉遇賞夕嵐陰珎重王孫意天涯淚滿襟

秋懷

井梧已飄黃澗樹猶含碧煙水但逶迤空齋坐蕭瑟端居
生遠興散漫委書帙愛此北窓閑時來岸輕憤微鍾忽迢
遞禽語破幽寂賞罷一情然淡泊忘所適

喜晴

衝飈動高柳淥水澹微波日照秋空淨雨餘寒草多放懷
遺簿領發興託煙蘿忽念故園日東阡時一過

夜賦

暗窓螢影亂秋幃露氣深羣籟喧已寂青天但沉沉測滄
懷高侶幽默抱中襟遙憶忘言子一寫山水音

曉步

初日躡高閣廣步愛脩廊重門掩秋氣高柳廢方塘閩海
冬尚溫晏陰天未霜坐悲景物殊亦念歲時荒故園屬佳

辰登覽遍陵岡賓遊盡才彥蕭散屏壺觴別來時已失懷
思寧斲忘宦遊何所娛要使心懷傷

書事

重門掩畫靜寂無人境喧嚴程事云已端居秋向殘趨搖
捐外慮幽然與誰言即此自爲樂何用脫籠樊

八月十七夜月

忽忽秋逾半清輝萬里同遙知竹林夜共賞碧雲空寂寞
盈尊酒寒涼蒲院風寒塘空自綠不似小園東

憶齋中二首

高齋一遠眺西南見秋山景翳夕陰起竹密幽禽還賞愜
慮方融理會心自閑誰料今爲客寥落一窓間
蟋蟀亂秋草故園風露深何因不歸去坐使百憂侵

秋夕

秋風桂花發夕露寒蟬吟歲月坐悠遠江湖亦阻深紛思
寧後整離憂信難任終遣誰爲侶獨此澹冲襟

夢山中故人

風雨蕭蕭已送愁不堪懷抱更離憂故人只在千巖裏桂
樹無端一夜秋把袖連歡勞夢寐舉杯相屬暫綢繆覺來
却是天涯客簷響潺潺瀉未休

懷子厚

中夏辭故里涉秋未停車賓友坐離闕田園想榛蕪感茲
風露朝起望一煩紆眷彼忘吉子鬱鬱西齋居俯飲蒼澗
流仰咏古人書名應里閭薦心豈榮利俱琅然撫枯桐幽
韻泉谷虛褰裳欲往聽乖隔靡所如

南安道中

曉澗淙流急，秋山寒氣深。高蟬多遠韻，茂樹有餘陰。煙火居民少，荒蹊草露侵。悠悠秋稼晚，寥落歲寒心。

垂澗藤

寒泉下碧澗，古木垂蒼藤。陰此萬里流，閑花自層層。何人賞幽致，白髮岩中僧。

臨流石

偃蹇西澗濱，嵒然似枯木。下有幽泉鳴，上有蒼苔綠。來往定何人，山空此遺躅。

懸崖水

秋天林薄疎，翠壁呈清曉。迢遞瀉寒泉，下有深潭悄。時飄桂葉來，尋源路殊杳。

穿林徑

屈曲上雲端，似向崖陰斷。行聞山鳥鳴，下與泉聲亂。去去不知疲，幽林自成玩。

九日

故國音書阻，一方天涯此。日思茫茫風，煙歲晚添離恨。湖海尊前即大荒，薄宦驅人向愁悴。舊遊惟我最顛狂，細思萬石亭前事。辜負黃花滿帽香。

督役城樓

天高無遊氣，林景澹餘暉。感此霜露節，但傷風土非。季秋時序溫，百卉不復腓。祗役郊原上，暄風一吹衣。仕身諒無補，課督慚飢羸。還憶故園日，策杖田中歸。

再至作

荒城一騁望落景麗譙門隱隱鍾猶度依依嵐欲昏風霜
非故里禾黍但秋原極目歸來晚茲懷誰與論

晚望

禾黍彌平野淒涼故國秋清霜凝碧樹落日翳層丘覽物
知時變爲農覺歲道不堪從吏役憔悴欲歸休

苧溪道中

秋山有紅樹忽憶野田中禾黍收將盡氛埃晚欲空登原
悲落景倚杖怯高風更有寒塘水應將此處同

十月朔旦懷先隴作

十月氣候變獨懷霜露悽僧廬寄楸檟饋奠失茲時竹栢
翳陰岡華林敞神扉汎掃託群隸瞻護煩名緇封塋諒久
安千里一歔歔持身慕前烈銜訓倘在斯

步虛詞二首

靡景廓天津空同無負方丹晨儻七氣孕秀東溟房衿吐
碧琳華仰翕飛霞漿竦竦絕冥外眇目撫太荒策我綠軒
軒上際於浪滄神鈞亦寥朗曉靄晨風翔養翮塵波裏縱
神非有亡一樂無終永千春詎能當

褰裳八度外竦轡霄上遊軒觀隨雲起偃駕東溟立丹莖
耀瓊岡三素絜曾幽躡景遺塵波偶想即虛柔眇目娛真
際不喜亦不憂宴罷三椿期顛徊翳滄流千載何足道太
空自然疇

民安道中

祇役東原路長風海氣陰蒼茫生遠思悚慄起寒襟午泊
僧寮靜昏投縣郭深拙動終不補誰使漫勞心

西郊縱步

西郊一遊步極目是秋山積水羣峰碧清霜楓樹丹故園
心不展投策詎能閑且適平生意無令雙鬢斑

寄黃子衡

遠宦去鄉井終日無一歡援琴不能操臨觴起長歎我友
客京都肅肅雲天翰別去今幾時各在天一端有酒不同
斟中情誰與宣裁詩一問訊重使心思傳

濯足萬里流

褰裳綠碧澗濯足憩清幽却拂千巖石聊乘萬里流氛埃
隨脫屣步武欲橫秋極目滄江晚煙波殊未休

孤鶴思太清

孤鶴悲秋晚凌風絕太清一為棲苑客空有叫群聲天矯

千年質飄飄萬里情九臯無枉路從遣碧雲生

與諸同寮謁莫北山過白巖小憩

聯車涉修坂覽物窮山川踈林汎朝景翠嶺含雲煙祠殿
何沈邃古木鬱蒼然明靈自安宅牲酒告恭虔脰蟹理潛
通神蚪亦蜿蜒旣欣歲事舉重喜景物妍解帶憇精廬尊
酌且留連縱談遺名跡煩慮絕拘牽迅畧諒難留歸軫忽
已騫蒼蒼暮色起反旆東城阡

懷山田作二首

郊園多所樂况此歲云暮寒色澹遙空清霜變紅樹欲舒
林表望詎識塵中趣向晚寂無人氣盍欲成霧冬日

冰溪流已咽陰嶺寒方結忽值早梅春未恐芳心歇的皪
終自妍殷勤爲誰折千里寄相思相思政愁絕梅花

夜雨二首

擁衾獨宿聽寒雨聲在荒庭竹樹間萬里故園今夜永
知風雪滿前山

故山風雪深寒夜只有梅花獨自香此日無人問消息不
應憔悴損年芳

將理西齋

欲理西齋居厭茲塵境擾發地得幽芳斲石依寒篠閑暇
一題詩懷沖獨觀恥偶此愜高情公門何日了

寄題金元鼎同年長泰面山亭

抗心塵境外結宇臨秋山乘高一騁望表裏窮遐觀衆壑
互攢列連岡莽縈環陽崖煙景舒陰壑悲風寒碧草晚未
凋林薄已復丹仙人吳門子歲晚當來還

冬至陰雨

愆陽值歲晏忽復層陰結一雨散霏微千林共騷屑端居
遺簿領遠意懷幽潔曠慮宇微痲殊方感新節豈伊田廬
念丘壠心摧折還登東嶺岡瞻竚何由歇

安溪道中泉石奇甚絕類建劔間山水佳處也

驅車陟連岡振轡出林莽霧露曉方除日照川如掌行行
遵曲岸水石窮幽賞地偏寒篠多澗激淙流響祗役未忘
倦心神暫蕭爽感茲懷故山何日稅征鞅

留安溪三日按事未竟

縣郭四依山清流下如駛居民煙火少市列無行次嵐陰
常至午陽景猶氛翳向夕悲風多遊子不遑寐我來亦何

事更桀古所記奉檄正淹留何當語歸計

安溪書事

清溪流不極夕霧起嵐陰虛邑帶寒水悲風號遠林涵山日欲晦窺閣景方沉極目無遺眺空令愁寸心

梅花兩絕句

溪上寒梅應已開故人不寄一枝來天涯豈是無芳物爲爾無心向酒杯

幽壑潺湲小水通茅茨煙雨竹籬空梅花亂發籬邊樹似倚寒枝恨朔風

柚花

甲戌

春融百卉茂素榮敷綠枝淑郁麗芳遠悠颺風日遲南國

富嘉樹騷人留恨詞空齋對日夕愁絕鬢成絲

病告齋居作

層陰靄已布小雨時漂洒獨卧一窓間有懷無與寫高居生遠興春物彌平野處曠景方融事遠情無捨聊寄茲日閑塵勞等虛假

感事有嘆

榮華難久恃代謝安可量宿昔堂上飲今歸荒草鄉高臺一以傾總帳施空房繁絃旣闕奏緩舞亦輟行桃李自妍華春風自飄揚戀帷靡遺思更衣有餘芳身徂名亦滅事往恨空長寄語繁華子古今同一傷

夏日

涼氣集幽樹清陰生廣庭偶茲憇煩煥忽憶郊園行婉婉

碧草滋迢遞玄蟬鳴官曹且休暇自適幽居情

聞蟬

悄悄山郭暗故園應掩扉蟬聲深樹起林外夕陽稀

秋夜歎

秋風浙瀝鳴清商秋草未死啼寒螢幽人幽人起晤歎仰
視河漢天中央河漢西流去不息人生辛苦何終極蒼山
萬疊雲氣深去鍊形蒐生羽翼

茅舍獨飲

出身從吏役驅車涉窮山日落陰景晦天高風氣寒豈無
斗酒資獨酌誰爲歡一盃且復醉百念中闌干

宿傳舍見月

空堂寒夜月華清獨宿淒涼夢不成欲向階前舞凌亂手

持杯酒爲誰傾

寄諸同寮

把酒江頭煙雨時遙知江樹已芳菲應憐倦客荒茅裏落
盡梅花未得歸

登羅漢峯

休暇曹事簡登高恣窺臨徜徉偶此地曠望披塵襟落日
瞰遠郊暮色生寒陰歡餘未去已更欲窮幽尋行披茂樹
盡豁見滄溟深恨無雙飛翼往詣蓬山岑餘疑當作娛
去疑當作云

登面山亭

是日氛霧四塞獨見雙髻峯

新亭夙所聞登眺遂茲日極目但蒼茫前瞻如有失煙鬢
稍呈露衆嶺方含鬱長歎天風來雲散空宇碧

雙髻峯

絕壑藤蘿貯翠煙水聲幽咽亂峯前行人但說青山好腸
斷雲間雙髻仙

涉澗水作

幽谷濺濺小水通細穿危石認行蹤回頭自愛晴嵐好却
立灘頭數亂峰

試院即事 乙亥

端居惜春晚庭樹綠已深重門掩畫靜高館正陰沈披衣
步前除悟物懷真心澹泊方自適好鳥鳴高林

借王嘉叟所藏趙祖文畫孫興公天台賦疑思幽

巖朗詠長川一幅有契于心因作此詩二首

翩然乘孤鶴往至蒼崖巔上有桂樹林下有清冷淵洗心
詠太素汎景窺靈詮棲身託歲暮畢此巖中綠

山空四無人澗樹生涼秋杖策忘所適水木娛清幽散髮
塵外颯濯足清瑤流靜歎長林內舉翻仍丹丘

雜記草木九首

高蘿引蔓長插援垂碧絲西窓夜來雨無人領幽姿

弱植不自持芳根為誰好雖微九秋翰丹心中自保

根節含露辛茗穎扶援綠蠻中靈草多夏永清陰足

種竹官墻陰經年但憔悴故園新綠多宿翰轉蒼翠

窈窕安榴花乃是西隣樹墜萼可憐人風吹落幽戶

春條擁深翠夏花明夕陰北堂罕悴物獨爾澹冲襟

西窓萱草藂昔是何人種移向北堂前諸孫時逸弄

端居春向殘夏氣已清穆睡起悄無人風驚滿窓綠

晨起獨行園花藥發奇穎猶嫌墜露稀更汲寒泉井

澆花

觀黃德美延平春望兩圖為賦二首

川流匯南奔山豁類天闊層臺麗西崖朝旦群峯碧劍閣

望南山

方舟越大江凌風下飛閣仙子去不還蒼屏倚寥廓冬風

望演山

祠事齋居聽雨呈劉子晉

刀筆常時篋笥盈齋祠今喜骨毛清與君此日俱無事共
愛寒階滴雨聲

晦庵先生朱文公文集卷第一

考異

虞帝廟詞

沛皇一作仰皇

虞之一作韶之

濼之一作武之

感春賦

一慨一作慨佳一作佳

玄功一作元功

吾心一作無心

空同賦

壁帶一作壁帶

招隱操

清商一作商歌

遠遊篇 問子何所之行矣戒關梁世路百險艱出門始

憂傷東征憂賜谷西遊畏羊腸南轅犯厲毒北駕風

裂裳一作願子審所之行矣戒關梁南轅犯厲毒北

報出門

春日即事

綠原一作綠源

古意一作勸古

所依一作所託

月道一作月流

本全

朱文公

三

王叔高

春日言懷一作春日書懷

過武夷作一作起蒼

八月十七夜月一作竹林故園

九日一作湖海

督役城樓一作感此

寄黃子衡一作重使

懷山田作一作色澹

安溪道中一作忘倦

安溪書事一作晚望

借王嘉叟所藏趙祖文畫孫興公天台長川一幅一作借

天合橫卷 洗心一作疑神 澗樹一作桂樹 長林一作茲林

窺閣一作地迥 極目一作目 征鞅一作歸鞅 溪山日欲一作山深日已

虛邑一作井邑

忘倦一作忘疲

重使一作却使

色澹一作色露

感此一作感茲

竹林一作故園

湖海一作江海

起蒼

感此

重使

色澹

忘倦

晚望

極目

征鞅


歸鞅

溪山日欲

深日已

觀春望兩圖

朝旦一作朝夕




晦庵先生朱文公文集卷第一

朱文公

文集卷一

三

王翬畫



晦庵先生朱文公文集卷第二

詩

送王季山赴龍溪

故人千石令便道此之官
契闊三秋未逢迎一笑
權田園知不遠謠俗問
非難已想躬玄默鳴絃
亦罷彈

之德化宿劇頭舖夜聞杜宇

王事賢勞祗自嗤一官
今是五年期如何獨宿
荒山夜更擁寒衾聽子
規

次韻傅文題呂少衛教授藏書閣

西樓誰與共閑居茂樹
婆娑清晝餘大隱抵今
同一壑行吟非昔似三
閭揣摩心事惟黃卷料
理家傳亦素書更鑿寒
泉供漱石世紛不擬問
焉如

次旬父韻

五字何人寄，銜鳴蒲袖金。劇知多暇日，誰與共幽尋。薄領淹窮海，鷺花透故林。功名終好在，且莫負初心。

次祝澤之表兄韻

裸裎相向但悠悠，信道乾坤日夜浮。此去安心知有法，向來示病不難瘳。優游靜室開窻底，放浪東阡南陌頭。萬事何由到懷抱，夕陽芳草自春秋。

次祝澤之表兄韻送劉子晉歸省

之子真吾友，心期到古人。慇懃來講學，迢遞遠辭親。黃卷工夫妙，斑衣夢想頻。今朝首歸路，何處問知津。

送祝澤之表兄還鄉

首夏何來此，清秋却復歸。應緣心未快，豈是世相違。落日

空書館，涼風淨客衣。功名須努力，別淚莫頻揮。

知郡傳文載，酒幙被過熹。於九日山夜，泛小舟弄月劇飲二首

扁舟轉空闊，煙水浩將平。月色中流滿，秋聲兩岸生。杯深同醉極，嘯罷獨翫驚。歸去空山黑，西南河漢傾。誰知方外客，亦愛酒中仙。共踏空林月，來尋野渡船。醉醒非各趣，心跡兩忘緣。江海情何限，秋生蓬髮邊。

教思堂作示諸同志

吏局了無事，橫舍終日閑。庭樹秋風至，涼氣滿窻間。高閣富文史，諸生時往還。縱談忽忘倦，特觀非云慳。詠歸同與點，坐忘庶希顏。塵累日以銷，何必棲空山。

再得古木

青山一何深上下盡雲木中有千歲姿偃蹇卧寒谷明堂
不徵材大匠肯回目樵斧莫謾尋從渠媚幽獨

示諸同志

夏木已云暗時禽變新聲林園草被徑端居有餘清端居
亦何爲日夕掩柴荆靜有絃誦樂而無塵慮并良朋肯顧
予尚有夙心傾深慚未聞道折衷非所寧眷焉撫流光中
夜歎以驚高山徒仰止遠道何由征

示四弟

十日一洗沐諸生各歸休虛齋息群響兀坐心悠悠兩夕
苔徑荒林深鳥啼幽階前樹萱草與子俱忘憂

還家即事

獻歲事行役徂春始還歸昔往草未芳今來翠成幃扶疎

滿園陰時禽互翻飛叢萱亦已秀丹葩耀晨輝即事誰與
娛淹留自忘機日暮復出門悵然心事違古人不可見獨
掩荒園扉

小盈道中

今朝行役是登臨極目郊原快賞心却笑從前嫌俗事一
春牢落閉門深

題囊山寺

曉發漁溪驛夜宿囊山寺雲海近蒼茫層嵐擁深翠行役
倦脩途投歸聊一憩不學塔中仙名塗定何事

題九日山石佛院亂峯軒二首

因依古佛居結屋寒林杪當戶碧峯稠雲烟自昏曉
巖中老釋子白髮對青山不作看山想秋雲時往還

題可老所藏徐明叔畫卷二首

羣峯相接連斷處秋雲起雲起山更深咫尺愁千里
流雲繞空山絕壁上蒼翠應有采芝人相期烟雨外

再至同安假民舍以居示諸生

端居託窮巷廩食守微官事少心慮怡吏休庭宇寬晨興
吟誦餘體物隨所安杜門不復出悠然得真歡良朋夙所
敦精義時一彈壺餐雖牢落此亦非所難許生不
贊肉

六月十五日詣水公菴雨作

雲起欲爲雨中川分晦明纔驚橫嶺斷已覺疎林鳴空際
早塵滅虛堂涼思生頽簷滴瀝餘忽作流泉傾况此高人
居地偏園景清芳馨雜稍猜俯仰同鮮榮我來偶茲適中
懷澹無營歸路綠泱泱因之想巖耕

末利

曠然塵慮盡爲對夕花明密葉低層幄冰蕤亂玉英不因
秋露濕詎識此香清預恐芳菲盡微吟遶砌行

謝人送蘭

幽獨塵事屏腕晚秋蘭滋芳馨不自媚掩抑空相思晤對
日方永披叢露未晞儵然發孤詠九畹陳悲詩

又

淹留閱歲序弊闕心懷憂獨卧寄僧間一室空山秋徘徊
起顧望俯仰誰爲儔伊人遠贈問孤根亦綢繆芳馨不我
遺三載娛清幽愧無瓊瑤報厚意莫酬瞻彼南陵詩使
我心悠悠

秋蘭已悴以其根歸學古

秋至百草晦寂寞寒露滋蘭草一以悴蕪穢不能治端居
念離索無以遺所思願言託孤根歲晏以為期

去歲蒙學古分惠蘭花清賞既歇復以根叢歸之
故晚而學古預有今歲之約近聞頗已著花輒賦
小詩以尋前約幸一笑

秋蘭遞初馥芳意滿冲襟想子空齋裏淒涼楚客心夕風
生遠思晨露灑中林頗憶孤根在幽期得重尋

秋夕二首

西齋坐竟日曠然誰與儔感茲風露夕始知天宇秋庭樹
且扶踈特物詎淹留心空累云遠歲月真悠悠
公門了無事吏散終日閑涼葉何蕭蕭悲吟庭樹間琴書
寫塵慮菽水怡親顏憶在中林日秋來長掩關

秋夜聽雨奉懷子厚

悄悄窓戶暗青燈讀殘書忽聽踈雨落稍知涼氣初披襟
聊自適掩卷方躊躇亦念同懷人悵望心煩紆鳴琴愛靜
夜樂道今閑居岑岑空山中此夕知焉如

對月思故山夜景

沉沉新秋夜涼月滿荆扉露泫凝餘彩川明澄素暉中林
竹樹映踈星河漢稀此夕情無限故園何日歸

同僚小集梵天寺坐間兩作已復開齋步至東橋
玩月賦詩二首

傑閣翔林杪披襟此日閑層雲生薄晚涼雨遍空山地迥
衣裳冷天高澄露還出門迷所適月色滿林闕

空山看雨罷微步喜新涼月出澄餘景川明發素光星河

方耿耿雲樹轉蒼蒼晤語逢清夜茲懷殊未央

梵天觀雨

持身之古節寸祿久棲遲暫寄靈山寺空吟招隱詩讀書
清磬外看雨暮鐘時漸喜涼秋近滄洲去有期

兼山閣雨中

兩山相接雨冥冥四牖東西萬木清面似凍梨頭似雪後
生誰與屬遺經

登閣

橫空敞新閣高處絕炎氛野迥長風入天秋涼氣分憑欄
生逸想投迹遠人羣終憶茅簷外空山多白雲

秋懷二首

秋風吹庭戶客子懷故鄉矧此卧愁疾徘徊守空房佇想

澗谷居林深慘悲涼鷓鴣感蕭辰拊翼號風霜氛雜無留
氣悄悄有餘芳幸聞衛生要招隱夙所臧終期謝世慮矯
翻茲山岡

懷痾坐竟日晚色散幽樹寂歷候蟲悲沆瀣碧草露端居
與方澹沉默自成趣羽觴歡獨持瑤琴誰與晤空知玄思
清未惜年華度美人殊不來歲月恐遲暮

中元雨中呈子晉

徂暑尚繁鬱大火空西流茲辰喜佳節涼雨忽驚秋晚晚
蘭徑滋蕭蕭削庭樹幽炎氣一以去恢台逝不留刀筆隨事
屏塵囂與心休端居諷道言焚香味貞諏子亦玩文史及
此同優游

秋暑

王淵亮馬

晨興納新涼亭午倦猶暑卧對北窓扉淡泊將誰侶踈樹
含輕颺時禽轉幽語端居悟物情即事聊容與

和李伯玉用東坡韻賦梅花

北風日日霾江村歸夢正爾勞營魂忽聞梅蘂臘前破楚
客不愛蘭佩昏尋幽舊識此堂古曳杖偶集僧家園嵐陰
春物未全到邂逅只有南枝温冷光自照眼色界雲艷未
怯扶桑暎遙知雲臺溪上路王柯十里藏山門自憐塵羈
不得去坐想佳處知難言但哦君詩慰岑寂已似共倒花
前罇

與諸人用東坡韻共賦梅花適得元履書有懷其
人因復賦此以寄意焉

羅浮山下黃茅村蘇仙仙去餘詩覓梅花自入三疊曲至

今不受蠻煙昏佳各一旦異凡木絕艷千古高名園却憐
冰質不自暖雖有步章難爲温羞同桃李媚春色敢與葵
藿爭朝暉歸來只有脩竹伴寂歷自掩踈籬門亦知真意
還有在未覺浩氣終難言一杯勸汝吾不淺要汝共保山
林鐔

挽劉寶學二首

天地誰翻覆人謀痛莫支公扶西極柱威動此征旗肉食
謀何鄙家山志忽齋平生出師表今日重傷悲

生死公何有飄零我自傷向非隣不造那得此深藏心折
風霜裏衣沾子姪行哦詩當肅挽悲哽不成章

寄題梅川溪堂

滄波流不極上有一畝園幽人掩關卧脩竹何娟娟虛堂

面群峯秀色摩青天靜有山水樂而無車馬喧人言市門
子往往蒼崖顛揮手謝世人日中翔紫煙遺迹尚可覲神
交邈無緣慨然一求歎羅靈忽西遷褰裳下中沚濯足娛
清川

和劉抱一

幾年牢落舊村墟此日憐然水竹居病起試尋春逕草客
來聊煮雪畦蔬開樽細說平生事信手同繙集古書適意
何勞一千卷新詩開出笑談餘

再和

久矣投裝返舊墟不將心事賦閑居倚組帶月朝治穢植
杖臨風夕挽蹠三逕猶尋陶令宅萬籤聊借鄴侯書木瓜
更得瓊琚報吟咏從今樂有餘

送芮國器二首

柱節千山外勤勞飽所經一心無適莫萬口自丹青拂拭
先賢傳光輝處士星活入劫更遠試與問林垌
紫陌同年舊青雲得路新論心端有契下榻豈辭頻話別
驚如許相逢渺未因期公念經濟從此上星辰

梅招開盡不及吟賞感嘆成詩聊貽同好二首

憶昔身無事尋梅只怕遲沉吟窺老樹取次折橫枝絕艷
驚衰髮餘芳入小詩今年何草草政爾負幽期
柴几冰壺在梅梢雪蕊空不堪三弄咽誰與一尊同鼻觀
殘香裏心期昨夢中那知北枝北猶有未開叢

宋丈示及紅梅臘梅借韻兩詩輒復和呈以發一

笑

聞說寒梅盡尋芳去已遲冷香無宿蕊穠艷有繁枝正復
非同調何妨續舊詩廣平偏賦媚鐵石悞心期朱文此篇乃用施朱

粉一
事作倍

風雪催殘臘南枝一夜空誰知荒草裏却有暗香同質瑩
輕黃外芳滕淺絳中不遺岑寂侶何以媚孤叢

呈黃子厚

茅齋塵事遠幽獨興無窮水盡呻吟內新涼愁思中朱顏
非昨日綠鬢又秋風珍重墻東客透憐此意同

奉酬子厚詠雪之作

遙夜不能寐披衣起彷徨仰視天正黑寒氣慘悲涼飛霰
忽下零雪花亦飄揚飄揚未云已須臾滿空翔崩山朱萼
姿川谷流素光念昔少小時無事志四方五年江海上不

見雪與霜飄飄今日情浩蕩誰能量凌晨飲一杯竟日守
空堂竚立玩奇變永言獲新章躋踏欲何報玉樹生瓊岡

送籍溪胡丈赴館供職二首

祖錢衣冠滿道周此行誰與話端由心知不作功名計祇
爲蒼生未敢休

執我仇仇詎我知謾將行止驗天機猿悲鶴怨因何事只
恐先生袖手歸

寄籍溪胡丈及劉恭父二首

先生去上芸香閣閣老新裁豸角冠留取幽人卧空谷一
川風月要人看

甕牖前頭翠作屏晚來相對靜儀刑浮雲一任閑舒卷萬
古青山只麼青

挽范直閣二首

獻納陪興運如公衆所期憂時最深切信道不磷緇落落
歸來賦忽忽殄瘁詩萋裘當日計宰木後人悲

先友多名士存亡幾許人惟公且彊健於我更情親出處
論心晚音書枉誨頻素車今日會誰與共傷神

頃以多言害道絕不作詩兩日讀大學誠意章有
感至日之朝起書此以自箴蓋不得已而有言云

神心洞玄鑿好惡審薰猶云何反自誑閔默還包羞今辰
仲冬節寤歎得隱憂心知一寸光豈彼重泉幽朋來自茲
始羣陰邈難留行迷亦已遠及此旋吾輶

仁術

在昔賢君子存心每欲仁求端從有術及物豈無因惻隱

來何自虛明覺處貞擴充從此念福澤遍斯民入井倉皇
際牽牛穀練辰向來看楚越今日備吾身

閱善決江河

大舜深山日靈襟保太和一言分善利萬里決江河可欲
非由外惟聰不在它勇如爭赴擊進豈待盈科學海功難
並防川患益多何人親祖述耳順肯同波

仰思二首

公德明光萬世師從容酬酢更何疑當年不合知何事清
夜端居獨仰思

聖賢事業理難同借作新題欲自攻王事兼施吾豈敢儻
容思勉議成功

困學二首

舊喜安心苦覓心
捐書絕學費追尋
困衡此日安無地
始覺從前枉寸陰
困學工夫豈易成
斯名獨恐是虛稱
傍人莫笑標題誤
庸行庸言實未能

復齋偶題

出入無時是此心
豈知鷄犬易追尋
請看屏上初爻旨
便識名齋用意深

示四弟

務學脩身要及時
競辰須念隙駒馳
清宵白日供遊蕩
愁殺堂前老古錐

克己

寶鑑當年照膽寒
向來埋沒太無端
祇今垢盡明全見
還

得當年寶鑑看

曾點

春服初成麗景遲
步隨流水玩晴漪
微吟緩節歸來晚
一任輕風拂面吹

伐木

伐木相將入遠山
共聽幽鳥語關關
殷勤若解當時意
此日那容不盡歡

春日

勝日尋芳泗水濱
無邊光景一時新
等閒識得東風面
萬紫千紅總是春

春日偶作

聞道西園春色深
急穿芒屨去登臨
千葩萬蕊爭紅紫
誰

識乾坤造化心

觀書有感二首

半畝方塘一鑑開，天光雲影共徘徊。
問渠那得清如許？為有源頭活水來。

昨夜江邊春水生，蒙衝巨艦一毛輕。
向來枉費推移力，此日中流自在行。

題西林院壁二首

觸目風光不易裁，此間何似舞雩臺。
病軀若得長無事，春服成時歲一來。

巾屨條然鉢囊何妨且住，贊公房却憮宴坐觀心處。
不奈簷花抵死香。

簷前香
袖花

題西林可師達觀軒

窈窕雲房深復深，層軒俄此快登臨。
卷簾一目遙山碧，底是高人達觀心。

再題

紹興庚辰冬予來謁隴西先生退而寓於西林院，惟可師之舍以朝夕往來受教焉。閱數月而後去，可師始嘗為一室於其居之左，軒其東南以徒倚瞻眺，而今鉢山尉李兄端父名之曰達觀軒，蓋取賈子所謂達人大觀物無不可云者。予嘗戲為之詩以示可師，既去而遂忘之。壬午春復拜先生於建安，而從以來又舍于此者幾月，師不予厭也。且欲予書其本末置壁間，因取舊詩讀之，則歲月逝矣，而予心之所至者未尺。

寸進焉爲之三歎自廢顧師請之勤勤不得辭
於是手書授之而又叙其所以然者如此雖其
辭鄙陋若無足稽然予之往來師門蓋未憚也
異時復至又將假館于此仰視屋壁因舊題以
尋歲月而惕然乎其終未有聞也然則是詩之
不沒亦予所以自勵者可師嘗遊諸方問佛法
大意未倦而歸尚有以識予意也三月九日熹
書

古寺重來感慨深小軒仍是舊窺臨向來妙處今遺恨萬
古長空一片心

示西林可師二首

身世年來欲兩忘一春隨意住僧房行逢舊隱低回久綠

樹鶯啼清晝長

幽居四畔只空林啼鳥落花春意深獨宿塵龕無夢寐五
更山月照寒衾

感事書懷十六韻

胡虜何年盛神州遂陸沉翠華棲浙右紫塞僅淮陰志士
憂虞切朝家預備深一朝頒細札三捷便聞音授鉞無遺
筭沈機識聖心東西兵合勢南北怨重尋小却奇還勝窮
凶禍所臨旃裘方舞雪血刃已披襟殘類隨燬燼遺黎脫
斧礮戴商仍夙昔思漢劇謳吟共惜山河固同嗟歲月侵
泉著久憔悴陵柏幸蕭疹正爾賢群策何妨試盍簪折衝
須舊衮出牧仗南金衆志非難徇天休詎可謀故人司獻
納早晚奉良箴

次韻劉彥采觀雪之句

朔風吹空林，眇眇無因依。但有西北雲，冉冉東南飛。須臾層陰合，慘淡周八維。凍雨不流淵，飛花舞妍姿。翳空乍滅沒，散影還參差。萬點隨飄零，百嘉潛潤滋。徘徊瞻詠久，默識造化機。上寒下必溫，欲積無根基。漸看谷樹變，稍覺叢篁低。皓然遂同色，宇宙乃爾奇。繁華改新觀，凜冽忘前悲。摘章愧佳友，佇立迎寒吹。感此節物好，嘆息今何時。當念長江北，鐵馬紛交馳。

次韻彥采病中口占

一榻流年度，篝燈透夜闌。短衾閑自擁，清鏡莫頻看。竹窗初驚雪，梅疎却耐寒。從今花木夢，無復在雕欄。

感事

聞說淮南路，胡塵滿眼黃。葉軀慚國士，嘗膽念君王。却敵非干櫓，信威藉紀綱。丹心危欲折，屹立但彷徨。

聞二十八日之報喜而成詩七首

胡馬無端莫四馳，漢家元有中興期。旃裘喋血淮山寺，天命人心合自知。

天驕得意任驅馳，太歲乘蛇已應期。一夜旄頭光殞地，飲江胡馬未全知。

雪擁貂裘一馬馳，孤軍左袒事難期。奏函夜入明光殿，底事廬兒探得知。所報乃御營宿衛官奏故有是句

渡淮諸將已爭馳，免脫鷹揚不會期。殺盡殘胡方反旆，里閭元未有人知。

漢節燐煌直北馳，皇家卜世萬年期。東京盛德符高祖，說

與中原父老知

追鋒聞說日驅馳舊德登庸儻有期

張翥

聖主聰明似堯

禹忠邪如許詎難知

恭惟大號久風馳清蹕傳呼却未期此日不須勞玉趾寸
心那得侍臣知

次子有聞捷韻四首

神州荆棘欲成林霜露淒涼感聖心故老幾人今好在壺
漿爭聽鼓鞞音

殺氣先歸江上林貔貅百萬想同心明朝滅盡天驕子南
北東西盡好音

孤臣殘疾卧空林不奈憂時一寸心誰遣捷書來華戶真
同百蟄聽雷音

胡命須臾免走林驕豪無復向來心莫煩王旅追窮寇鶴
唳風聲盡好音

奉陪判院丈克父平父兄宿回向用知郡文壁間

舊題之韻

暮雨停驂處僧廬古道邊千峯環傑閣一水下平田行役
無期度經過幾歲年明朝須飽飯躡足上寒煙

感事再用回向壁間舊韻二首

江北傳烽火胡兒大入邊已聞隳列障不但擾屯田借箸
思人傑摧鋒屬少年偷安慙暇食萬竈起愁煙
廊廟憂虞裏風塵慘淡邊早知煩汗馬悔不是留田迷國
嗟誰子和戎誤往年腐儒空感慨無策靜狼煙

蒙判院丈示及再用元韻之作率易和呈以求指

誨

疇昔經行地溪山寂寞邊冰霜凝巨壑風雨暗中田古寺
堪投晚塵龕閱紀年論文寒夜永清絕裊爐烟

數日前與判院丈有宋村之約雪中有懷奉呈判

院通判二丈

雲垂天閣歲將闌一室條然獨掩關擁褐不知風折木開
軒惟見雪漫山玄空杳靄低迷外碧樹瓏璵掩映間吟罷
三思招隱句扁舟無路過長灣

次韻判院丈雪意之作

端居歲復窮開戶守中澹風陰原野悲月黑庭除暗浙瀝
靜先知崩奔誰與探坐想青瑤林寒光生素艷

熹伏蒙判院丈垂示用韻喜晴之句率爾奉酬伏

乞笑覽

客枕終難穩歸來新息深曉鷄回遠夢缺月掛空林水谷
晨加帽晴窓畫解襟詩筒多妙語仍喜舊盟尋

登梅嶺

去路霜威勁歸程雪意深往還無幾日景物變千林曉磴
初移屐寒雲欲滿襟玉梅疎半落猶足慰幽尋

雪意

向晚浮雲四面平北風號怒達天明寒窓一夜清無睡擬
聽杉篁葉上聲

昨夕不知有雪而晨起四望遠峯皆已變色再用
元韻作兩絕句

朔風吹盡暮雲平室暖爐紅睡達明但惟朝來蒲山白不

知昨夜打窓聲

千林無葉一川平萬壑瓊瑤照夜明未覺殘梅飄落盡只愁羗管不成聲

奉陪彥集克父同游瑞巖謹次莆田使君留題之韻

韻

踏破千林黃葉堆林間臺殿鬱崔嵬谷泉噴薄秋逾響山翠空濛晝不開一壑祗今藏勝槩三生疇昔記曾來解衣正作留連計未許山靈便卻回

伏讀趙清獻公瑞巖留題感歎之餘追次元韻

趙公名迹此猶微已薦行藏第一機直自當年留翰墨至今窮谷尚光輝時清諫疏空遺藁歲晚高齋自掩扉高齋公晚年所居每夕獨處一室使人高其外云一珍重九原如可作問渠何處是真歸

伏讀二劉公瑞巖留題感事興懷至於隕涕追次元韻偶成二篇

誰將健筆寫崔陰想見當年抱膝吟緩帶輕裘成昨夢遺風餘烈到如今西山爽氣看猶在北闕精誠直自深故壘近聞新破竹起公無路抵傷心右襄寶學公作近聞西兵進取關陝其帥即公舊部也

投綬歸來卧赤城家山無處不經行寒巖解榻夢應好絕壁題詩語太清陳迹一朝成寂寞靈臺千古自虛明傳來舊業荒蕪盡慙愧秋原宿草生右懷病翁先生作翁領崇道祠官故有赤城之句

入瑞巖道間得四絕句呈彥集克父二兄

憶昔南遊桂樹陰歸來遺恨滿塵襟籃輿此日無窮思萬壑千岩秋氣深

翩翩一馬兩肩輿路轉秋原十里餘共說前山深更好不
辭迢遞款禪居

清溪流過碧山頭空水澄鮮一色秋隔斷紅塵三十里白
雲黃葉共悠悠

風高木落晚秋時日暮千林黃葉稀祇有蒼蒼谷中樹歲
寒心事不相違

挽籍溪胡先生三首

夫子生名世窮居幾歲年聖門雖力造美質自天全樂道
初辭幣憂時晚奏篇行藏今已矣心迹故超然

澹泊忘懷久渾淪玩意深篋瓢無改樂山水自知音冊府

遺編在公所定著論語會義副在秘閣丘原宰樹陰門人封馬鬣寒日共

沾襟

先友多淪謝唯公尚典刑向來深繾綣猶足慰飄零喬木
摧霜幹長空沒曉星傷心遽如許孤露轉玲瓏

次韻潮州詩六首

濠上齋二首

黃堂理事餘便坐末茲日語默趣雖殊晦明心本一舊聞
真體露已歎群疑失迨此復幾年定知久純白
道若大路然奈此人好徑却事昧本心離動覓貞靜安知
濠上翁妙入玄中境偶寄郡齋閑無欲民自正

閑坐

坐歎無餘事淡然塵慮希閑中自怡悅妙處絕幾微韓子
成今古顏師果是非悠然發孤些千載儻來歸

銷寇

羊來揭陽郡牢落海陰墟雲嶠無幽子潢池有跣徒單車亦已稅蔓草不須鉏比屋絃歌裏功高化鱷圖

山丹

昔遊嶺海間幾見蠻卉拆素英溥夕露朱蕊爛晴日歸來今幾年晤對抵寒碧因君賦山丹悅復見顏色

山居即事用疊翠亭韻

世情日以疎庭榭日以密我心自悠悠兩忘喧與寂門開山疊翠雨罷雲絕迹天涯此興同萬里寄消息

東舍煙

回頭別子時歲月劇風雨老大無所成慙嘆中夜舞長鏡足呻吟短褐極藍縷古人不可期炯炯心獨苦

夏日齋居得潮州詩卷味歎之餘用卒章之韻以

紀其事

孟夏氣淑清窓戶有佳色卧聞幽籀翻轉覺林景寂參差帙委素縹緲香橫碧殿菽有餘權纓冠非所職故人海邊郡妙語寄遠翼味嘆不得聞超然見胷臆

壽母生朝

下六首附見於此

秋風蕭爽天氣涼此日何日升斯堂堂中老人壽而康紅顏綠髮雙瞳方家貧兒癡但深藏五年不出門庭荒竄陞十日九不煬豈辦甘脆陳壺觴低頭包羞汗如漿老人此心久已忘一笑謂汝庸何傷人間榮耀豈可常惟有道義思無疆勉勵汝節彌堅剛熹前再拜謝阿娘自古作善天降祥但願年年似今日老萊母子俱徜徉

又二首

敬爲生朝舉一觴短歌歌罷意偏長願言壽考宜孫子綵
鬢朱顏樂未央

陰澹園林歲欲霜惟來和氣滿中堂要知積善工夫巧變
得人間作壽鄉

又三首

昨夜秋風涼氣歸今朝喜色動簾幃細斟潏澂新春酒戲
舞斑斕舊綵衣願上龜蓮千歲壽永令鳧藻一家肥也知
厚德天應報更說陰功世所希

暑退秋容欲稟然北堂佳氣倍澄鮮舊病已向新涼失壽
骨應隨爽籟堅塵外光陰那有盡尊前風月浩無邊癡兒
六六今如許慚媿西河不老仙

仙人昔住紫林房一旦翩然下太荒久悟客塵無自性故

應福祿未渠央徒居邂逅成嘉遯捧檄因循愧漫郎願借
寒潭千丈碧年年此日奉華觴

又一首

竹栢交柯庭院清西風不動翠簾旌高堂正喜新涼入樂
事仍逢壽筭傾盡室丹衷歸善禱滿頭綠髮定重生年年
此日歡娛意更願時豐樂太平

丁丑冬在溫陵陪敦宗李文與一二道人同和東
坡惠州梅花詩皆一再往反昨日見梅追省前事
忽忽五年舊詩不復可記憶再和一篇呈諸友兄

一笑同賦

江梅欲破江南村無人解與招芳魂朔雲爲斷蜂蝶信凍
雨一洗煙塵昏天憐絕艷世無匹故遣寂寞依山園自欣

菴笛娛夜永未要郢律回春温連娟窺水墮殘月的樂泣
露晞晨暎海山清游記玉面衰病此日空柴門相逢不敢
話疇昔能賦豈必皆成言雕鐫肝腎竟何益况復制酒哦
空樽

歲晚燕集以梅花已判隔年開分韻賦詩得已字
陽愆冬氣昏日暮悲風起晤言欲誰從斗酒會隣里盤餐
乏珍脆肴核闕儲時無以奉嘉賓餅壘亦可耻所賴數子
賢深睠不余鄙夜闌更促席燈火共歡喜酣歌氣激冽傑
句韻清美衰懶愧英游歲晚情何已

卓國大生朝

夫下疑當有
夫人二字

鳳凰山下鳳凰城十載重來雙眼明賸喜故人頻獻納足
知賢母外榮名生朝舉酒天香裏賤子當歌魯頌聲問訊

豪眉今幾許年年此日照人清

又一首

玄冬周四運肅氣驅煩喧孕此貞秀質德美難具論巍巍
北堂高福履神所敦晨昏極榮養夙昔蒙天恩明年啓國
封屈伏文魚軒斑衣結紫綬玉樹承金尊歡娛何所忘千
載如飛奔惟應玄中趣耿耿自本根洗心河漢津入此無
窮門超然謝衆甫永與天壤存

社後一日作

聖作重品節等殺古所詳里有秦社櫻僭差遂無章王綱
諒已隳精意尚不亡尚論千載前簡編有遺芳侃侃陳孺
子恂恂萬春鄉敬恭事耆老禱賽謹田桑悠悠我里居歲
事有故常向來諸老翁惇庵亦端莊交神庶或享與物同

樂康今我胡不樂，悵然下頽岡。古人不可見，今人自猖狂。
三月三日祀事畢，因脩禊事于靈梵。以高閣一長
望，分韻賦詩，得一字。

逝川無停波，歲月一何疾。居然雨露濡，我意日蕭瑟。共惟
西山足，宰樹久蒙密。晤言起哀敬，時事該禮律。肴羞旣紛
羅，薦饋亦芳苾。苾苾周旋極，悽愴俛仰詎。終畢更衣適，精舍鄰
曲會。茲日簋黍異，輝脰從容罄。管臍嘉賓更，盤礴環堵窺。
逸筆即事君，獨哦非才我。何述矧茲衰，病餘苦畏煩。慮休
賦罷掩寒棲，存存常抱一。

夏日二首

端居倦時暑，竟日掩柴門。窓風遠颯至，竹樹清陰繁。靜有
圖史樂，寂無車馬喧。茲焉愜所尚，難與世人論。

季夏園木暗，窓戶貯清陰。長風一掩苒，衆綠何蕭蔘。玩此
消永晝，冷然滌幽襟。俯仰無所爲，聊復得此心。

汲清泉漬奇石，置熏爐其後。香烟被之，江山雲物
居然有萬里趣。因作四小詩。

晴窓出寸碧，倒影媚中川。雲氣一吞吐，湖江心渺然。
一水渺空闊，羣山中接連。寒陰白霧湧，飛度碧峰前。
隱几對寒碧，忘言心自閑。豈知宜寂士，滅跡青峯間。
社詩
滅跡

君山湖上
之青峯

吟餘忽自笑，老矣方好弄。慨然思古人，尺璧寸陰重。

偶題三首

門外青山翠紫堆，幅巾終日面崔嵬。只看雲斷成飛雨，不
道雲從底處來。

擊開蒼峽吼奔雷萬斛飛泉湧出來斷梗枯槎無泊處一
川寒碧自縈回

步隨流水覓溪源行到源頭却惘然始悟真源行不到倚
筇隨處弄潺湲

次張彥輔韻

風霜歲云徂塵事昧雙目故人書鼎來照眼一連玉把玩
不知疲日晏坐空腹卷藏什襲秘寒光夜穿牖嗟予骯髒
姿十駕不能速丘壑聊自娛簞瓢亦云足君侯湖海士逸
氣謝追逐胡爲不予鄙乃肯顧林谷高軒緩前期清夢遠
雙竹起將杜陵句寓寄玉川屋我窮詩未工最覺貂難續
感君慙歎意吟苦屢更燭羣公饒藻思裂牋動盈束歷險
正摧輶爭先俄擊轂低回欲引避悵望曷歸宿出吻竟無

奇彊顏終自慙北風催歲年兩鬢失新綠樊生念學稼曹
子悲食粟死灰寧復然寡過良所欲耿耿自知名何勞詹
尹卜

次張彥輔賞梅韻

朔風萬里開雲屏清霜夜墜朝景晴南枝浩蕩正春色凍
蘂的皜含空明花邊偶對青銅鏡稿項不堪冰雪映擁爐
獨坐只悲吟振策出遊舒遠興暗香何處時一飄行行復
值最長條仰頭欲折誰贈滿意相思那得邀極知異縣
淹行李心賞未甘輕付畀石雄賦罷不相聞秀野書來因
舉似兩翁句法爭新奇畫出踈影沉寒漪幽探自出塵境
外勝槩未許兒曹知祇今嚼蘂攀條處它日重來記前度
風臺月觀悄無言玉笛冰灘索同賦嗟予衰懶倦將迎過

眼紛紛無復情尚喜踈英窺水白更憐落片點苔青興來
亂挿飛蓬首擬向君家醉君酒酒酣耳熱莫狂歌布鼓雷
門須縮手

借韻呈府判張文既以奉箴且求教藥

一生江海迥無儔材大應容小未周景好身閑真復樂酒
酣耳熱却堪憂飛騰莫羨摩天鶴絕熟須參露地牛我亦
醒狂多忤物頗能還贈一言不

家山堂晚照效輞川體作二首

夕陽浮遠空西峯背殘照爽氣轉分明與君共晚眺
山外夕嵐明山前空翠滴日暮無與期開來岸輕幘

即事有懷寄彥輔仲宗二兄二首

一水方涵碧千林已變紅農收爭暖日老病怯高風徙倚

非無計心期莫與同向來歡會處離合太匆匆
聞說雙飛槩翩然下廣津江湖知子樂魚鳥諒情親淹速
須關命行藏不繫人三山雖好在借取自由身

次知府府判二丈韻三首

兩公清廟瑟窈窕拂朱絲事紀一朝勝名從千古垂流傳
當共賦惆悵不同時且要君頤解寧辭匡說詩

憶昨中秋夕寒盟約重尋幔亭權舉酒江閣快論心月墮
俱忘起壘空始罷斟祇今千嶺隔悵望一何深

元履子厚及熹與焉江閣之集子衡移具
知府文亦賜臨在此詩併簡同會諸公云

志士懷韜畧奇兵吼鏖千關河那得往肝膽不勝寒壯節
悲如許雄圖渺未闡皇輿方及席陋巷敢求安

上留意武備諸郡練卒皆點
名閱武賜賚有加戎士感奮

巢居之集以中有學仙侶吹簫弄明月爲韻探策
賦之而熹得中字遂誤爲諸君所推高俾專主約
既而賦詩者頗失期於是令最後者具主禮以當
罰乃稍集獨敦夫圭甫遠令後至衆白罰如約飲
罷以蒼茫雲海路歲晚將無獲分韻熹得將字而
子衡兄得蒼字實代熹出令

一昨樓上飲所歡不可忘羣公各賦詩佩玉何鏘鏘二子
朱絲絃掩抑獨巨量經營久不作一奏聲滿堂巧遲未足
多譴負先取償主盟謬夙推否德愧莫當茲焉不舉法何
以存令章劉子具盤食魏子輸壺漿悠然復一醉歸路相
扶將

昨承諸兄臨辱不揆以薄酒蔬食延駐都騎明日
視壁間所張墨刻有亡去者人以爲德慶文之度
也馳問遺索家需拙詩輒賦所懷性奉一笑而尊
捷刻可以歸於我矣

歲暮霜霰集賓友從我游置酒臨高齋賜酌屢獻酬雞黍
罄中庖肴核供庶羞所恨乏珍肥懽意不得周何悟上客
懷從我夜壑舟平明但素壁篆刻不可求究索勞象罔高
蹤希盜丘我亦慚仲子獨未忘輕裘

昨以詩徵亡碑於四十一丈既蒙酬和而諸兄亦
繼作焉聯爲巨編藏之中笥雖所亡古刻不可復
得而此之所獲則已多矣顧其中猶有不能釋然
者因念吾子厚隸法妙古人當爲我大書偉辭於

登庶以焜耀區區之望彼死鬼之陳迹其存亡蓋不足為重輕也次韻見意云

端居感物化悵恨不出游賦詩往追亡顧得雜佩酬結綬
光陸離溫袍非所羞終然抱耿耿尼父悲東周凄凉尊健
崖望想滄浪舟低徊不得去寂寞將焉求安知崔蔡徒考
槃共斯立為我揮素壁報君當紫裘

少陵詩紫裘隨劍几
義取無虛歲謂李邕

受潤筆資

再賦解朝

宇宙一瞬息人生等浮游云何百年內萬變紛相酬顛倒
不自知旁觀乃堪羞拱揖尚虞夏干戈到商周豈悟曠士
懷泛若不繫舟駟馬諒弗視名高非所求彼哉夸奪子逝
矣崑崙丘褰裳絕冥外天風舞雲裘

熹受碑于共父以禮
讓四十一丈取之於

熹則有慙德矣
故有商周之語

題祝生畫呈裴丈二首

近代丹青手心期良獨難夫君備有思妙處却無端堂上
三湘遠人間五月寒空囊今有此不用一錢者
斗酒淋漓後顛狂不作難千峯俄紙上萬景忽豪端石瘦
岡巒古林深煙雨寒蒼茫無限意俗眼若為看

挽延平李先生王首

河洛傳心後毫釐復易差淫辭方眩俗夫子獨名家本本
初無二存存自不邪誰知經濟業零落舊煙霞

聞道無餘事窮居不計年簞瓢渾謾與風月自悠然灑落
濂溪句從容洛社篇平生行樂地今日但新阡

岐路方南北師門數仞高一言資善誘十載笑徒勞斬板

今來此懷經痛所遭有疑無與折揮淚首頻搔
用西林舊韻二首

一自籃輿去不回故山空鎖舊池臺傷心觸目經行處幾
度親陪杖屨來

上疏歸來空皂囊未妨隨意宿僧房舊題歲月那堪數
愧平生一辦香

晦庵先生朱文公文集卷第二

晦庵先生朱文公文集卷第二

考異

次韻呂少衛藏書閣

茂樹幾一作樹

次祝擇之韻

靜室淨一作室

九日山夜泛舟

轉空漾一作空

秋生秋一作來

教思堂作

橫舍費一作舍

示諸同志

餘清餘一作清

示四弟休一作日

兀坐然一作坐

心悠真一作悠

還家即事

互翻共一作翻

悵然快一作然

獨掩日一作掩

題囊山寺

蒼茫蒼一作黃

題可老所藏画卷

羣峰羣一作山

請水公庵雨作雲起一作雲氣

謝人送蘭厚意一作晤款

寄題梅川溪堂入言一作今古

再和劉抱一猶尋一作獨尋

復齋偶題豈知一作豈如

示四弟清宵一作清陰

春日偶作色深一作已深

觀書有感問渠那得清如許一作惟來歲底清無滓

感事書懷間音一作同音

聞二十八日之報共惜一作共措

次子有聞捷忠邪一作羣臣

不奈無一作奈

不奈無一作奈

感事 江北傳烽火傳一作江北 推鋒一作推鋒

暇食飽一作食 留田屯一作田

登梅嶺 玉梅野一作梅

雪意 浮雲愁一作雲 達天徹一作天

讀二劉公瑞岩留題 慙愧悵一作望

瑞岩絕句 風高霜一作清 黃葉紅一作葉

東舍姪令一作姪 再和東坡惠州梅花詩 記玉識一作玉

卓國太生朝 所志所一作至 惇庵淳一作庵

社後一日作 耆老耆一作年

靈苑分韻 蕭索蕭一作瑟

夏日 永晝永一作日

汲清泉作

湖山一作

偶題

青山一作

家山堂晚照

與君共一作為

次知府府判韻

約重一作

福州府儒學訓導舒整校

晦庵先生朱文公文集卷第三

詩

奉同張敬夫城南二十詠

納湖

詩筒連畫卷坐看復行吟想像南湖水秋來幾許深

東渚

小山幽桂叢歲暮靄佳色花落洞庭波秋風渺何極

詠歸橋

綠漲平湖水朱欄跨小橋舞雩千載事歷歷在今朝

船齋

考槃雖在陸澗養水雲深正爾滄洲趣難忘魏闕心

麗澤堂

堂後林陰密堂前湖水深感君懷我意千里夢相尋

蘭澗

光風浮碧澗蘭杜日倚倚竟歲無人采含薰祇自知

書樓

君家一編書不自地上得石室寄林端時來玩幽曠

山齋

藏書樓上頭讀書樓下屋懷哉千載心俯仰數椽足

蒙軒

先生湖海安蒙養今自闕銘坐仰先賢點畫存豕繫

石澗

疏此竹下渠漱彼澗中石暮館繞寒聲秋空動澄碧

卷雲亭

西山雲氣深徙倚一舒敞浩蕩忽舉開爲君展遐眺

柳堤

渚華初出水堤樹亦成行吟罷天津句薰風拂面涼

月榭

月色三秋白湖光四面平與君凌倒景上下極空明

濯清

涉江采芙蓉十反心無數不遇無極翁深衷竟誰識

西嶼

朝吟東渚風夕弄西嶼月人境諒非遙湖山自幽絕

淙琤谷

湖光湛不流軟竇亦潛注倚杖忽淙琤竹深無覓處

聽雨舫

綵舟停畫槳容與得歌眠
夢破蓬窓雨寒聲動一川

梅堤

仙人冰雪姿貞秀絕倫
擬驛使詎知聞尋香問煙水

采菱舟

湖平秋水碧桂棹木蘭舟
一曲菱歌晚驚飛欲下鷗

南阜

高丘復層觀何日去登臨
一川長空盡寒江列暮岑

次韻傅丈武夷道中五絕句

地久天長歲不留坐來念念失藏舟
回看萬法皆兒戲還

直先生一笑不

分符擁節幾經年聞道方成屋數椽
只恐未容高枕卧却

須持橐聽鳴鞭

勲業今從鏡裏休
篋中空有敝貂裘
死灰那復飛揚意
惠許深慚不易酬

常記桐城十載前
幾回風雨對床眠
他年空憶今年事
却說黃亭共惘然

諸郎步武各駸駸
季子尤憐產萬金
衣鉢相傳自端的
老生無用與安心

題畫卷

丁亥

飛來小坡坨未雨已滂溥
荒此定何人蘇公有遺記

吳畫

妙絕吳生筆飛揚
信有神羣仙不愁思
步步出風塵

伊研

端溪有潛虬孕此金玉質混沌一竅開千年瀉寒液

鬼佛

冥濛罔象安相好菩薩面鬼佛吾詎知水石翫奇變

范寬

山雄雲氣深樹老風霜勁下有考槃人超搖得貞性

題祝生畫

裴侯愛畫老成癖歲晚倦遊家四壁隨身只有萬疊山秘
不示人私自惜俗人教看亦不識我獨摩娑三太息問君
何處得此奇和璧隋珠未為敵答云衢川老祝翁曾次自
有陰陽工峙山融川取世界咳雲唾雨呼雷風昨來邂逅
衢城東定交斗酒歡無窮自言妙處容我識為我掃此須
臾中爾時聞名今識面回首十年齊掣電裴侯已死我亦

衰祗君雖老身猶健眼明骨輕鬚不變筆下江山轉葱蒨
為君多織機中練更約無事重相見

秀野必喜無多屋宇幸不礙雲山為韻賦詩喜伏
讀佳作率爾攀和韻劇思慳無復律呂笑覽之餘
賜以斤斧幸甚

高人山水心結習自無始五畝江上園清陰遍桃李一堂
聊自娛三徑亦可喜試問避俗翁何如尊賢里

門前車馬客無非朝大夫問公獨何事中歲遽此圖長安

二三公髮白形枯臞隱憂念名節亦有此樂無

疏中

君侯嗜圖史挿架何其多徙居三十乘流汗幾橐駝千載

誰語語端居自絃歌至哉天下樂歲月如子何
西山一何高雲氣出寒麓中有無事人鳴泉逸茅屋宴坐
今幾何無以媚幽獨興至偶成篇呼兒爲余讀
我居深山中茅舍破不補上見風攬林下有雲承宇聞公
落新宮戶牖不可數懶惰心力衰念公亦良苦
夜吟招隱詩月落寒泉井自非千載人誰與共清景散髮
心朗寥凝神味淵永功名恐相期富貴非所幸
仙人空山居道意妙羣物度世君則然脩身吾豈不飛行
仰雲路跌坐探理窟獨夜扣星壇清齋具簪笏
青山背夕陽茲景公所愛虛堂日落時遷坐一解帶嵐分
疑有處鳥度知無礙須臾暮色來默默無與會
端居屏塵慮萬事付一尊客來語世故舉白當浮君起搖

謝衆甫囑沓從諸孫何以自怡悅窓中見秋雲

清溪何迢迢上有千仞山山中學仙侶白石爲門闕丹經
苦吟哦至道窮躋攀豈知人間世風塵縈九寰

次劉秀野蔬食十三詩韻

乳餅

清朝薦踈盤乳鉢有貞味不用精瓊糜無勞爛羊胃

新笋

脩脩江上林白日暗風雨下有萬玉蚪三冬卧寒土

紫葺

誰將紫芝苗種此槎上土便學商山翁風餐謝肥斡

子薑

本草云薑久食去臭氣通神明或云傷心氣不可多食者非是

薑云能損心此謗誰與雪請論去穢功神明看朝微

茭筍

寒菱翳秋塘風葉自長短刺心一飽餘并得淋敷軟

南芥

黃龍記昔遊園客有佳遺不謂洛生吟輟餐時擁鼻

燻菜

小草有貞性託根寒澗幽懦夫曾一嚼感憤不能休

木耳

蔬腸久自安異味非所誇樹耳黑垂聃登盤今亦乍

蘿蔔

紛敷剪翠叢津潤擢玉本寂寞病文園吟餘得深齧

芋魁

沃野無凶年正得蹲鴟力區種萬葉清深煨奉朝食

筍脯

南山春筍多萬里行枯腊不落盤餐中今知綠如簍

豆腐

世傳豆腐本乃淮南王術

種豆苗稀力竭心已腐早知淮王術安坐獲泉布

白蕈

聞說閬苑瓊田產玉芝不收雲表露烹淪詎相宜

伏讀秀野劉丈間居十五詠謹次高韻率易拜呈

伏乞痛加繩削是所願望

秀野

為憐蘅芷滿芳洲特地臨江賦遠遊十畝何妨自春色萬
綠從此付東流靜看朝市真兒戲須信田園是老謀出處
知公有餘裕未應辛苦謝靈丘

積芳圃

樂事從茲不易涯
朱門還似野人家
行看靚艷須携酒
坐對清陰只煮茶
曉起蒼涼承墜露
晚來光景亂蒸霞
平生結習今餘幾
試數毗那棘上花

家山堂

負米歸來手自舂
豈知門外有晴峰
羨公竟日塵氛遠
拄頰看山幽興濃
心鏡懸知不用調
詩壇那敢少爭鋒
空餘遠嶽尋師意
箇裏何妨爲指蹤

拙政堂

驥足寧同曳尾龜
青山終是費心期
陶公歸去有餘樂
潘令閒居不足追
自笑十連非所慕
未應三徑苦無資
明朝謾擁朱輪去
猿鶴咨嗟政爾爲

香界

幽興年來莫與同
滋蘭聊欲汎光風
真成佛國香雲界
不數淮山桂樹叢
花氣無邊曛欲醉
靈氛一點靜還通
何須楚客纫秋佩
坐卧經行住此中

春谷

武夷高處是蓬萊
米得靈根手自栽
地僻芳菲鎮長在
谷寒蜂蝶未全來
紅裳似欲留人醉
錦障何妨爲客開
飲罷醒心何處所
遠山重疊翠成堆

舫齋

扁舟容與小房櫳
搖颺蘆旌蜀錦紅
兩岸蒹葭秋色裏
一川煙浪夕陽中
不愁灩澦雙蓬鬢
未怯江湖萬里風
築室水中聊爾爾
何須極浦望朱宮

藥圃

種藥春畦有近功，不辭耘耔謾勞躬。
漸看杞菊充庖下，即見芝英入籠中。
病去自知非往日，身輕何必御冷風。
出門會有兒童笑，不是當年植杖翁。

山人方丈

方丈脩然屋數椽，楹前流水自清漣。
蒲團竹几通宵坐，掃地焚香白晝眠。
地窄不容揮麈客，室空那有散花天。
箇中有句無人薦，不是諸方五味禪。

龜峯樓

楊柳東邊桂樹西，小樓晴眺極霏微。
山川政爾供疑目，塵土何妨略振衣。
俯瞰桑田悲物化，閒披藥笈洞玄機。
却疑欄外連穹石，似厭支牀去不歸。

月波臺

潺潺流水注回塘，中作平臺受晚涼。
四面不通車馬跡，一尊聊飲芰荷香。
韓公無復吟花鳥，楚客何勞賦葑房。
少待須臾更清絕，月華零露洗匡牀。

挽蔬園

未覺閑來歲月頻，荷鋤方喜土膏勻。
連畦已放瑤簪露，覆地行看玉本新。
小摘登盤先餉客，晚炊當肉更宜人。
却憐寂寞公儀子，技盡園蔬不歎貧。

秋香徑

門外黃塵沒九逵，坊中叢桂長膠枝。
三秋冷蕊從開落，終歲清陰不改移。
幽逕祇愁空翠滴，濃香一任晚風吹。
攀援却恨王孫遠，惆悵千林

時

曲池軒

去年種竹長新篁今歲穿渠過野塘自喜軒窓無俗韻亦
知草木有真香林間急雨生秋思水面微風度晚涼却厭
端居苦無事凭欄閑理釣絲長

前村

題下恐當
有梅字

玉立寒烟寂寞濱仙姿瀟灑淨無塵千林搖落今如許一
樹橫斜獨可人真與雪霜娛曉景任從桃柳斃殘春綠陰
青子明年事衆口驚嗟異味新

秀野劉丈寄示南昌諸詩和此兩篇

滕王閣下水初生聞道登臨復快晴帝子詎知陳迹在長
江肯趁曲池平山楹雨罷珠簾捲簷鐸風驚玉佩鳴滿眼
悲涼今古恨人生辛苦竟何成

知向潮邊弄碧漪攔干三撫漾晴輝流傳妙語驚離閣想
像清游欲奮飛公去不應停驛騎我來直欲掛朝衣南州
高士何由見且看新荷出水稀

次秀野韻五首

史君簾閣對脩筠起看名園雨後春便賦新詩留野客更
傾芳酒酌花神未酬管樂平生志且作羲黃向上人抵恐
功名相迫逐不容老子卧漳濱

蒲園紅紫已爭新百轉幽禽亦喚人蠟屐未妨泥步穩瓊
叢終恨雨來頻卧看曉色忻初霽起約良游醉好春却笑
當年金谷燕相隨僕僕望車塵

惆悵春餘幾日光從今風雨莫顛狂急呼我輩穿花去未
覺詩情與道妨蘿帶不須吟杜若角弓聊復賦甘棠淋浪

坐客休辭醉飲罷睇身向九陽
知君久矣厭喧卑造物尊前喚小兒一醕未應我側并十
分聊爾快翻卮浴中寂寞疑塵日令尹憂勞退食時正好
相尋發孤笑莫教牢落負心期

當年共剪北山萊脩竹成陰手自我書卷莫教春色老柴
荆肯爲俗人開公能顧我傳新句我欲留公撥舊醅悵望
南園芳樹底明年應放小車來

留秀野劉丈二首

好雨當春過一犁我公遠憶故園西孤蓬穩轉清難急十
里行穿綠樹齊路熟已欣經霧市身輕未怕躡雲梯諸孫
剩欲留公住細和新詩丐指迷

一去屏山今幾春歸來三逕但荒榛剪除便覺風煙好挺

倚還驚物色新樓外千林遮去路階前一水戀行塵勸君
更作留連計同社追遊苦未頻

次秀野滄波館刈麥二詩

傳聞泛宅賀新成破月衝煙取吹撐鷁首斜飛寒浪急蓬
窓側轉好山橫知公興有江湖迥顧我詩無玉雪清欲跨
船舷還未敢幾時得伴鏡中行

息本

胎牟夙昔但聲歌今見郊園樂事多且喜甌篔符善禱未
須蘆葦輦去聲妖娥霞觴政自誇其一香鉢何煩問畢羅我
欲賣刀來學稼不知還許受屢麼

小說有人中麥毒發紅
裳娘子悲歌有一九蘆

蘆火吾
管之句

次秀野躬耕桑陌舊園之韻二首

郊園旱久只多蹊昨夜欣沾雨一犁已辦青鞋隨老圃便

驅黃犢過深溪農談刺喜鄉隣近
飽具仍教婦子携指點
竹寒沙碧處不知何似錦城西
丈人高致邈難干雲夢何如胃
次寬老去未妨詩律在人
來只怕酒盃乾故開麥隴供家
釀更有蘭章付客看下走
才慳慙囑和顧公物色稍留殘

又和秀野二首

愁陰一夜轉和風曉看花枝露
彩濃覓句休教長閉戶出
門聊得試扶筇物華始信如詩
好春色方知似酒濃多謝
隣翁笑相迂爲言晴暖更過從
江臯晴日麗芳華翠竹疎疎映
白沙路轉忽逢沽酒客眼
明惟見蒲園花望中景助詩人
趣物外春歸釋子家向晚
却尋芳草逕夕陽流水送村斜

次秀野詠雪韻三首

閉門高卧客來稀起看天花滿
院飛地迥杉篁增勝槩庭
虛鳥雀噪空饑酒腸凍澁成新
恨病骨侵凌減舊肥頼有
衣生清興在忍寒應未泣牛衣
一夜同雲匝四山曉來千里共
漫漫不應琪樹猶含凍翻
笑楊花許耐寒乘興正須披鶴
氅淪井猶喜破龍團無端
酒思催吟筆却恐長鯨吸海乾
開門驚恠雪交加亂落橫飛詎
有涯密竹不妨呈勁節早
梅何處覓殘花山陰客子須
乘興洛下先生想卧家病廢
盃觴寒至骨哦詩無復更豪誇

次韻雪後書事二首

晴煙裊裊弄晨炊雪屋流澌未
覺遲擬挈凍醪追勝踐聊

穿蠟屐過疎籬掃開折竹仍三逕認得殘梅祇數枝不耐
歲寒心事苦滔滔欲說定從誰

未覺春光到柳條誰教飛絮倚風搖眼驚銀色迷千界夢
斷彤庭散百寮梅塢任從長笛弄竹窻閑把短檠挑何人
剝豕傳清唱更喜殘年樂事饒

次韻秀野早梅

可愛紅芳愛素芳多情珍重老劉郎疎英的皪尊中影微
月黃昏句裏香宵次自憐真玉雪人間何處有冰霜巡簷
說盡心期事肯醉佳人錦瑟傍

次秀野極目亭韻

偶向新亭一破顏高情直寄有無間地偏已隔東西路天
關長圖遠近山浩蕩祇愁春霧合輪囷却喜暮雲還不堪

景物撩人甚倒盡詩囊未許慳

又

坐看山花落幔頽不知身在翠雲間食寒到處雨復雨客
裏歸來山又山孤燈閑無心棲鳥暮忘還世情

分逐流年去只有詩情老更慳

次秀野春晴山行紀物之句

祇憑詩律作生涯到處山林總是家便與清尊卧芳草不
妨皂蓋拂殘花側聞溫詔詢耆艾好趁春風入殿衙回首
能忘舊猿鶴一篇聊爾記年華

再用韻題翠壁

孤亭一目盡天涯俯瞰烟村八九家翠壁何年懸布水綠
陰經雨墮危花杖藜徙倚凝春望覓句淹留到晚衙珍重

詩翁莫相惱枯腸攪斷鬢絲華

次亭字韻詩呈秀野文兼簡王宰三首

不駕朝車叩丸荷獨携靈壽向新亭人言洞裏春長在自
慶樽前老復丁魚樂波閑詩欲就鴻冥天闊酒初醒晚來
却向南堂坐珍重家山數點青

吏散庭空晝掩扃行春只到柳邊亭唱酬共喜摘鴻藻來
往何勞笑白丁一笑歌呼從自醉幾年煖鴨爲誰醒定知
細札褒揚後名人麟臺汗簡青

幾年寂寞掩柴扃抱膝長吟竹下亭不向參同論納甲且
將耘耔付添丁思玄賦罷驚逸舉止酒詩成恨獨醒却笑
春風兩蓬鬢飄蕭無復舊時青

次山行佳句呈秀野文三首

幾日春陰鎖翠巖忽驚飛蓋度晴嵐身輕似起煙霞癩意
適寧論祿位貪句法舊超常語六年華今富達尊三從容
笑語無餘事興在南山更向南

几杖歸來覓故巖眼中猶記舊煙嵐詩情自昔元無敵世
味而今更不貪默數流年欣望八閑尋隱訣話存三小生
自愧衰顏早箇裏憑公爲指南

瞳瞳朝日出高巖較較衲衣曳曉嵐
泉老去覺真貪淒涼烟火一百五零落交遊十二三數
世事卧吹橫笛過溪南
向來孤鶴意林

次秀野泛滄波館至赤石觀刈早稻韻

綠雲黃半武夷鄉碧水縈紆一帶長聞道放船飛皂蓋定
知行酒載紅裳權謳如賀豐年信農家以早稻為晚未信樂飲閑酬

此日涼木黍誰言不陽豔晚炊流詠有餘香

次秀野韻題卧雲菴

君家丘壑本圓成何意尋荒入翠屏爲愛晴雲薦孤枕故
將閑日付新亭夢魂寂寂衣裳冷心事悠悠簡策青更把
枯桐寫奇趣鷓絃寒夜獨泠泠

奉和秀野見留之句

閑卧秋山塵事稀西風催喚出巖扉來看甲第清泉好更
喜仙翁丹頰肥捫虱坐談端未厭連環入夢却思歸明朝
振策千峯頂滿袖瓊瑤背夕暉

次秀野種粟韻

阿香一笑走豐隆雨遍平疇萬頃中舊喜樊遲知學圃今
看許子快論功遙憐鬱鬱翻秋隴預想垂垂弄晚風珍重

詩翁且彊健東阡南陌興無窮

和秀野斲簞之句

史君兩鬢尚青青學道仍拋後院塋溽暑快眠知簞好晚
涼徐覺喜詩成人從斲水當年寄詩比韓公此日清坐對
更深誰是伴唯應闕月共長庚

次韻寄題笑渠館三首

亂山叢裏有江鄉華館清波引興長正喜白鷗輕易狎忽
驚紅妓儼分行臨流更好揮椽筆俯檻何妨接羽觴共說
仙翁閑日月不因春草夢池塘

幻成飛閣笑談餘便有新荷水面鋪指點清波浮菡萏驚
呼紅影碎陬隅且將伴侶同盃酒不用君王予鏡湖多少
故交臺閣上問渠落拓更能無

不須艇子棹歌來且看芙蓉面面開卷裏有詩都錦繡
間無地可塵埃風清月白琴三弄綠暗紅深酒一盃明日
仲宣樓上去越吟應是首頻回

次韻雪後書事二首

惆悵江頭幾樹梅杖藜行逸去還來前時雪壓無尋處昨
夜月明依舊開折寄遙憐人似玉相思應恨劫成灰沈吟
日落寒鴉起却望柴荆獨自回

滿山殘雪對虛堂想似當年鞦韆口莊門掩不須垂鐵鎖客
來聊復共藜牀故人聞道歌圍暖妙語空傳醉墨香莫爲
姬姜厭憔悴論文把酒話偏長

和秀野韻二首

聞道無餘事儵然百慮空何心分彼我無地著窮通昨日

青衿子明朝白髮翁天機元自爾不是故匆匆

久矣安岑寂山棲恨不深謾將門自掩那有客相尋灸背
迎朝景加跌度夕陰感君傳秀句把卷獨呻吟

次秀野暑中二首

劇暑悲難度清秋喜却回病隨庚伏盡尊向晚涼開臨水
看雲去鈎簾待月來勝遊驚昨夢曾上鬱蕭臺

熹新自雲谷還家

絕境人難到唯堪樂此身泉吟青玉峽風度白綸巾獨往
寧無意長閑未有因雲山天賜履吾道豈全貧

雲谷絕頂四望雲山

環數百里

次秀野雜詩韻

葺居二首

丈人高卧碧江頭門掩西風萬木秋重喜青山還遶屋却

燠黃葉漸平溝開軒且放浮嵐入決水徐通廢圃流便覺
園林頓蕭爽不妨隨境味玄幽

向來鞅掌元非病此日徜徉詎有妨自喜登臺閑瘦竹人
驚步屨響空廊高齋雨過新山色曲沼風來舊水光千里
壯心殊未已不應踈懶與能長

刻漏

無疑莫詣君平肆任運休尋李王家謾設銅壺候尺咫閑
參玉表驗分差不妨啓處知時節那更榮枯紀歲華却羨
昇平好官府日高三丈放朝衙

栗熟

樹雜椅桐繼國風莫教林下長蒿蓬種樹法栗下不得有草木共期秋
實充腸飽不羨春華轉眼空病起數升傳藥錄本草云人脚弱往

栗樹下啖及數升遂能起行晨興三燕學仙翁蘇黃門詩云老去自添
方客來為說晨興晚櫻桃浪得銀絲薦一笑纔堪發面紅
三函徐收白玉櫻
銀絲見杜詩本類去櫻
桃服之令人美顏色

山藥

恠來朽壤耀瓊英小斲頃筐可代耕豢豹於人儘無分蹲
鷄從此不須生雪鏡但使身長健石鼎何妨手自烹欲賦
王延無好語羞論蜂窠與羊羹陳闡齋王延賦有蜂窠羊羹之句

食梨

珍寶渾疑露結成香葩况是雪儲精乍驚磊落堆盤出旋
剖輕盈照骨明盧橘謾勞誇夏熟柘漿未許析朝醒啖餘
更檢桐君錄快果知非浪得名本草謂梨為快果

導引

王折高真

聞說牛刀久不更，閑中應接羨門生。向來已悟藏千界，詩云一粒粟中藏世界今日何勞倒五行。道書云五行顛倒按橋有時聊戲劇，居心無物轉虛明。舉觴試問同亭侶，九轉工夫早晚成。

假山焚香作煙雲，掬水爲瀑布二首

平地俄驚紫翠堆，便應題作小飛來。爐熏細度巖姿出，綫溜遙分壁色開。獨往但憑南郭几，遠游休剪北山萊。人言造化無私力，矧重仙翁挽得回。

一簣工夫莫坐談，便教庭際湧千巖。眼中水石今成趣，物外烟霞舊所耽。泉紳寒聲生夜壑，香銷暝靄變晴嵐。兒童也識幽棲地，共指南山更近南。

家釀二首

鍾艾無中孰，懽諧闕屢豐。但知愁鬢白，那復醉顏紅。田舍寒如此，侯家事不同。新醅撥浮蟻，春滿夜堂中。

聞道兵厨盛，春泉響臍笏。定知盈榼送，不待扣門求。沈瀝應難比，茅柴祇自羞。病身從法縛，好客爲公留。煮近戒酒之句，既作此詩而白衣已至，賓朋已集，可謂詩識矣。一笑。

酒市二首

聞說崇安市，家家麴米春。樓頭邀上客，花底覓南隣。詎有當爐子，應無折券人。勸君渾莫問，一酌便還醇。

麗藻擣雲錦，新章寫陟釐。詩傳國風體，興發酒家旗。見說難中聖，遙知但發醅。盤餐雜鮭菜，那有蟹螯持。

黃雀鮓

黃雀飛鳴處，交交異竊脂。桑扈竊脂，蓋以稻梁求易足，羅不食穀，得各

網去何遲味厚資偏嗜謀踈闕自為韓彭尚蕪臨么麼爾
誠宜

檳榔

憶昔南遊日初嘗面發紅藥囊知有用茗盃詎能同蠲疾

收殊効修真錄異功三彭如不避糜爛七非中本草云檳榔殺三虫

柳子罵尸蠱云擊波即都糜爛殺橫七非見真誥鄧都者六天之一也

又五絕卒章戲簡及之主簿

暮年藥裹闕身切此外備然百不貪意茲載來緣下氣檳

榔收得為祛痰

錦文縷切勸加餐屨炭扶留共一拌食罷有時求不得英
雄邂逅亦飢寒

向來試吏著南冠馬甲壕山得飲餐却藉芳辛來解穢雞

心磊落看堆枿

箇中有味要君參螫吻春喉久不耳珍重人心亦如此莫
將寒苦換春醅

高士沉迷簿領書有時紅糝綴玄須定知不著金枿貯兒

女心情本自無劉穆之初士為主簿

考異

詠歸橋

麗澤堂

題祝生畫

和秀野

載事一作載意

相尋一作難尋

鬢不一作不

無始一作始

茅舍一作茅屋

鳥度知無一作無

意一作此

切山一作悠

脩脩一作脩

咨嗟一作驚

徒居一作徒車

星壇一作星

星一作星

星一作星

星一作星

星一作星

星一作星

星一作星

星一作星

星一作星

星一作星

茅屋一作華屋

分疑一作宜

色來一作新

清溪何迢迢一作上

吟哦一作吟

塵榮一作

塵榮一作

塵榮一作

塵榮一作

塵榮一作

塵榮一作

藥圃

月波臺

秋香徑

曲池軒

前村

秀野寄示南昌

次秀野韻

留秀野

次秀野躬耕

又和秀野

次秀野詠雪韻

把菊一作把

溝溝一作溝

千林一作千

秋意一作秋

真與一作真

復賦一作復

春過一作春

隣共一作隣

曉看一作曉

草逕一作草

會一作會

風動一作風

晚景一作晚

直欲一作直

共剪一作共

遠憶一作遠

下走一作下

休教一作休

過從一作過

起看一作起

猶喜一作猶

驚嗟一作驚

